

0 Chinese

~~Vol. III~~

V. 4 - V. 5

千金要方

附衍義
江左書林印

3

婦人下
補益第十八
一首
方十四首

婦人方下凡四類

補益第十八論一首 方十四首

論曰凡婦人欲求美色肥白罕比年至七十與少不殊者勿服紫石英令人色黑當服鍾乳澤蘭丸

柏子仁圓 治婦人五勞七傷羸瘦削面無顏色飲食減少貌失光澤及產後斷緒無子能久服令人

肥白補益方 柏子仁 黃耆 乾薑 鍾乳 白石英 蜀椒 杜仲 當歸 甘草 芍躬

各四十厚朴 桂心 桔梗 赤石脂 茯苓 五味子 白木 細辛 獨活 人參 石斛 白

二銖 芎藥 略一澤蘭六銖 藜本 蕪夷 各十銖 乾地黄 烏頭 防風 枳 石三十味為末蜜和

酒服二十九如梧子不知加至三十九 千金翼無烏頭有龍骨防葵茯苓

衍義 千金立方之義專以方下所主之證為主此方主治總以羸冷二字為之綱旨故用鍾乳紫白

石英赤石脂為峻溫藏氣之專藥較大五石澤蘭丸中所用石藥祇少禹糧石膏較小五石澤蘭丸祇

少陽起石石膏益禹餘糧專主腹中雷鳴陽起石專主冷勞虛損小五石中以有礬石大五石中以有龍

骨故用石膏以清解二藥之滯滯此方專主羸冷羸之與勞輕重懸殊既無藉於飲瀆亦無庸於清解

其立方本意全在崩中經漏崩中經漏係衝脉所主衝脉附肝而行原非脾腎之病故無藉禹糧陽起

石也石性重著故須薑棗辛烏等雄悍以發之然用溫補必兼辛散而厚朴為疏通裏氣之要藥如局

方消風散既用人參助風之勢又以厚朴疏裏氣之壅不出此方之成則耳然用厚朴之義有二一輔

白木健運中氣一統無憂清理濁帶以婦人經行時風入胞門而患濁帶者多故用防風藜本白芷獨

活等風藥協力祛之所謂治病必求其本也所以大小五石澤蘭丸大小澤蘭丸三石澤蘭丸鍾乳澤

蘭丸增損澤蘭丸澤蘭散諸方無不用等味為補中寓瀉之法諸方之下雖不言濁帶而崩淋漏下無

不起於濁帶也且防風能助黃耆白甘草固密腠理兼有川芎杜仲地黃芍藥茯苓五味人參滋補氣血胡慮面頰之不光澤也其用柏子仁桔梗石斛澤蘭者取其清潤以制諸藥之燥烈而獨以柏子仁名方者以其能達心色保護君主也其桔梗開提肺氣石斛專司清胃不使熱藥之性上干肺胃也觀大小五石復以澤蘭名方者為其專於調經故總不出等味為石藥之監制耳 前云服紫石英令人色黑當服鍾乳澤蘭丸以紫石英性專溫血血溫色必緇黑此方原以鍾乳澤蘭益氣調經為主雖有紫石英不專溫血故服之令人肥白也

大五石澤蘭圓 治婦人風虛寒中腹內雷鳴緩急風頭痛寒熱月經不調繞臍惻惻痛或心腹痞堅害飲食手足冷多夢身體痺痛營衛不和虛弱不能動及產後虛損並宜服方 鍾乳 禹餘糧 紫石

英甘草 黃耆各二兩半 石膏 白石英 蜀椒 乾薑各二兩 澤瀉六兩 當歸 桂心 芎藭 厚朴 柏子仁 乾地黃 細辛 茯苓 五味子 龍骨各半 石斛 遠志 人參 續斷 白木 防風

烏頭各三兩 山茱萸 紫苑各一兩 白芷 藜蘆各一兩 右三十二味為末蜜丸梧子大酒服二十丸加至三十丸起石二兩 千金翼有陽

小五石澤蘭圓 治婦人勞冷虛損飲食減少面無光色腹中冷痛經候不調呼吸少氣無力補益溫中方 鍾乳 紫石英 礬石各一兩半 白石英 赤石脂 當歸 甘草各四兩 石膏 陽起石 乾薑各

兩澤蘭二兩 茯苓 龍骨 桂心各二兩半 白木 芍藥 厚朴 人參 蜀椒 山茱萸各三兩 柏子仁 藜蘆各一兩 右二十三味為末蜜和丸如梧子大酒服二十九丸加至三十九丸日三

衍義 大五石澤蘭圓專主風虛寒中以寒積子藏繞臍惻惻痛非諸辛燥石藥不能溫之風入胞門而腹內雷鳴非防芷等風藥不能透之與柏子仁丸之大端不殊丹方一味白芷為都梁丸總取祛風之義此方即於柏子仁丸中除去石脂諸味配入禹餘糧等以實脾收津為務非若柏子仁丸祛風固

經之丸 按亦指禹餘糧中景台下佳利不上並用作湯專於固脫故之本經赤石脂主女子崩中漏下禹

餘糧治咳逆寒熱大五石方下原有寒熱等證用禹餘糧最為合宜小五方下全無風證故去烏頭細辛防風芫芷等藥但加陽起礬石石脂等味專行固脫扶陽故所加之味尤為必需 上方皆鍾乳與木並用專取相對激其成功拘於繩墨者不可與言至巧也

增損澤蘭圓

治產後百病理血氣補虛勞方 澤蘭 甘草 當歸 芫蕒各四十 附子 乾薑 白

木 白芷 桂心 細辛各二 防風 人參 牛膝各三 柏子仁 乾地黄 石斛各三十 厚朴

葉本 蕪荑各半 麥門冬兩 右二十味為末蜜丸如梧子大空心酒下十五丸至二十九

行義 增損者增附子門冬牛膝損諸石龍骨等鎮固重臍也方下所主本經原無藉於等味產後厥

陰用事風藥良不可缺但不必烏頭之峻攻而易附子溫經為當用門冬者即金匱溫經湯之成法產

後以清理惡露為主一切固瀉咸為切禁故用牛膝之類潤下佐澤蘭為引導也

大補益當歸圓 治產後虛羸不足胸中少氣腹中拘急疼痛或引腰背痛或所下過多血不止虛極之

氣晝夜不得眠及崩中面目脫色唇乾口燥亦治男子傷絕或從高墮下內有所傷藏虛吐血及金瘡

傷犯皮肉方 當歸 芫蕒 續斷 乾薑 阿膠 附子 白木 吳茱萸 芍藥各二 白芷各三

桂心 乾地黄兩 右十三味為末蜜和丸如梧子大酒服二十九日二夜二不知加至五十九丸若有

真蒲黃加一升絕妙

白芷圓 治產後所下過多及崩中傷損虛竭少氣面目脫色腹中痛方 白芷兩 乾地黄兩 續斷

乾薑 當歸 阿膠各二 附子兩 右七味為末蜜丸如梧子大酒服二十九日四五服無當歸芫蕒

代入蒲黃一兩無續斷大薊根代

行義 大補益當歸圓與前三卷中大補中當歸湯相類專主產後崩中不止即於增損澤蘭圓中又

行增損損去澤蘭柏子仁參冬斛辛防朴藜牛膝蕪荑加入阿膠茱萸芍藥續斷專力溫經得溫則

流行無滯正得補而行止有常縱有墮墜損傷究可藉以溫散可無積滯之虞矣至白芷圓主治相類

行義 此方專主臍下結冷肢體煩熱故用鍾乳桂心艾葉峻溫其下石膏石斛麥冬分清其上其餘諸味各隨所主總以補下治本清上治標為務也

大澤蘭圓

治婦人虛損及中風餘病痲痲陰中冷痛或頭風入腦寒痺筋攣緩急血閉無子面上遊風

去來目淚出多涕唾忽忽如醉或胃中冷逆胸中嘔不止及泄痢淋瀝或五臟六腑寒熱不調心下痞

急邪氣欬逆或漏下赤白陰中腫痛胸脇支滿或身體皮膚中澀如麻豆若瘡痲痺結氣或四肢拘攣

風行周身骨節疼痛目眩無所見或上氣惡寒灑淅如瘧或喉痺鼻艱風癩癩疾或月水不通魂魄不

定飲食無味并產後內衄無所不治服之自令人有子方 澤蘭_{二兩} 當歸_{六銖} 甘草_{各一兩} 紫

石英_兩 芍藥_兩 乾地黄_兩 柏子仁_兩 五味子_兩 桂心_兩 石斛_兩 白朮_兩 白芷_兩 茯苓_兩 厚朴_兩 防

風_兩 薯蕷_兩 茯苓_兩 乾薑_兩 禹餘糧_兩 細辛_兩 卷柏_兩 蜀椒_兩 人參_兩 杜仲_兩 牛膝_兩 蛇牀子_兩 續

斷_兩 艾葉_兩 蕪荑_兩 赤石脂_兩 石膏_兩 右三十二味為末蜜和丸如梧子大酒服二十九至四

十九丸久赤白痢去乾地黄石膏麥門冬柏子仁加大麥蘖陳麩龍骨阿膠黃連各一兩半有鍾乳加三

兩良○一方有枳實十八銖麥冬一兩半

小澤蘭圓

治產後虛羸勞冷身體尪瘦方 澤蘭_{二兩} 當歸_{六銖} 甘草_{各一兩} 芍藥_兩 柏子仁_兩 防風

茯苓_兩 白芷_兩 蜀椒_兩 藁本_兩 細辛_兩 白朮_兩 桂心_兩 蕪荑_兩 人參_兩 食茱萸_兩 厚朴_兩 石膏_兩

右十八味為末蜜和丸如梧子大酒服二十九日三服稍加至四十九丸無疾者依此方春秋二時常

服一劑甚良有病虛羸黃瘦者服如前○一方無茯苓石膏有芍藥乾薑

衍義 方以澤蘭命名原為調經而設以調經必須風藥補虛必須溫味所以大澤蘭圓借治方下諸

證咸為合宜惟治鼻艱喉痺難以概論鼻艱雖屬風寒客於頭腦鬱遏既久乃從火化所以氣塞不通

者雖鬱熱非假苦辛之溫散不能通達喉痺多屬龍火鬱發最暴大禁辛溫祇暴寒卒犯少陰而喉痛

聲瘖不腫不渴一證非溫不克然用熱破陰仍須鹹寒治標則卷柏又為必須至人臨證洞若觀火諒

聲瘖不腫不渴一證非溫不克然用熱破陰仍須鹹寒治標則卷柏又為必須至人臨證洞若觀火諒

無不辨寒熱之理于金處方如主帥統師大則大用小則小用其大澤蘭圓通治一切虛冷藥品不得
不繫 小澤蘭圓專主產後羸瘦無藉三石蛇牀等重劑但進食茱萸一味振發參朮芎藭之力以助
澤蘭葉本治產後虛羸綽有餘裕矣

紫石英天門冬圓 治風冷在于宮有子常墮落或始為婦便患心痛仍成心疾月水都未曾來服之肥

充令人有子方 紫石英 天門冬 禹餘糧略 蕪荑 烏頭 茯苓 桂心 甘草 五味子

相子仁 石斛 人參 澤蘭 遠志 杜仲略 蜀椒 卷柏 寄生 石南 雲母 當歸 烏

賊骨略 右二十二味為末蜜丸如梧子酒服二十九日二服加至四十九

衍義 紫石英柏子仁丸主風寒襲於腦戶而化毒熱故用細辛辛夷以搜腦戶之虛風柏仁杜蘅以

清巔頂之毒熱此以風寒襲入胞門而墮胎息故用石南雲母以溫子藏之沉寒卷柏烏賊以清血室
之瘀熱則諸溫補各司其職而臟腑安和衝任無滯心腹之疾自愈也

三石澤蘭圓 治風虛不足通血脈補寒冷方 鍾乳 白石英略 紫石英 防風 藜本 伏神各

兩六 澤蘭二兩 黃芪 石斛 石膏各二兩 甘草 當歸 芎藭略 白朮 桂心 人參 乾薑

獨活 乾地黃各一兩 白芷 桔梗 細辛 柏子仁 五味子 蜀椒 黃芩 茯苓 芍藥 秦朮

防葵略 厚朴 蕪荑各十 右三十二味為末蜜丸如梧子酒服二十九加至三十九日二三服

衍義 增損澤蘭圓即大小澤蘭圓之稍變三石澤蘭圓即大小五石澤蘭圓之稍變以其專主風虛

血脈不通故於大五石中除去餘糧龍骨小五石中除去礬石石脂等瀉固之藥專藉防葵以通血脈
與大小五石同源異派

太平胃澤蘭圓 治男子女人五勞七傷諸不足定志意除煩滿手足虛冷羸瘦及月水往來不調體不

能動等方 澤蘭 細辛 黃耆 鍾乳略 柏子仁 乾地黃略 半大黃 前胡 遠志 紫石英

芎藭 白朮 蜀椒略 白芷 丹參 枳實一作 芍藥 桔梗 秦朮 少參 桂心 厚

朴 石斛 苦參 人參 麥門冬 乾薑 附子 杜若 茱萸 麥藥 五便 麩 升 棗 五十枚 右

三十二味為末蜜丸梧子大酒服二十九加至三十九令人肥健一本無乾薑有當歸三兩

衍義 不讀金匱方無以知千金之法源不讀千金方向以廣金匱之變法此以大平胃名方則知專平胃中陳氣也而方中一派峻補之藥與柏子仁圓大小五石澤蘭圓三石澤蘭圓等方大都彷彿惟

麩藥枳朴大黃平胃之品為承氣之正治其間補瀉雜陳寒熱互用良難體會其旨三復求之始知其為金匱薯蕷丸之變方中中秦艽前胡細辛白芷即薯蕷丸中柴胡防風杏仁白斂開發風氣之變法

澤蘭柏仁門冬沙參即薯蕷丸中門冬桔梗清潤膈氣之變法麩藥大黃即薯蕷丸中法菊大豆黃芩

疏通裏氣之變法椒薑黃附協濟參芪白木生乾地黃即薯蕷丸中乾薑桂枝協濟四君四物溫理血氣之變法較薯蕷丸藥雖異而理一揆且配合不可思議參芪得桂附則補而不壅桂附得芍地則溫而不烈麩藥大黃得參芪木桂附則泄而不利允為補中寓瀉之良法不特為薯蕷丸之變方又為大

黃廔蟲丸之變法觀方下主治恰與大黃廔蟲丸相類彼以內有乾血故廔廔乾漆為專藥此以胃有陳氣則麩藥大黃為必需况人參助木石莖輔乳較柏子仁丸等方之反激愈甚立法愈奇何怪當世

醫師目睹金匱千金諸方而為目眩也達權之士但當精研其旨必不固守其方期可法于金之妙用亦何妨適俗之變通也

澤蘭散 治產後風虛方 澤蘭五兩餘糧 防風 石膏 白芷 乾地黃 赤石脂 肉蓯蓉 鹿茸 芍藥八分 藁本 蜀椒 白木 柏子仁各五 桂心 甘草 當歸 乾薑各六 蕪荑 細辛 厚朴各四分 人參三分 右二十二味為末治下篩酒服方寸匕日三

衍義 男子以煖腎為補益婦人以調經為補益而經漏多主中虛故葶本細辛防風白芷為本藥然經漏每挾淤滯則澤蘭芍藥厚朴蕪荑尤為必需所以柏子仁圓等一十三方大都相類惟固脫則兼

龍骨礬石開結則兼防葵杜蘅壯火則兼石南雲母清熱則兼卷柏柏仁更一佐使而所主各司其任

矣此主產後風虛乃取鹿茸血氣所鍾之味配入劑中與大巖蜜鹿茸散蒲黃散等方藥雖繁簡不俾而溫補之功用彷彿其用鹿茸者與大補益當歸圓中阿膠同義其方中禹餘糧防風澤蘭最多而人參反少於益莢細辛厚朴者不過借以鼓發鹿茸地黃華血藥之性原非用以益氣也孰謂錙銖可忽乎
月水不通第十九方三十三首

乾薑圓

治婦人寒熱氣厥瘦酸消怠情胸中支滿肩背脊重痛腹裏堅滿積聚或痛不可忍引腰小腹痛

四肢煩疼手足厥逆寒至肘膝或煩滿手足虛熱意欲投水中百節盡痛心下常苦懸痛時寒時熱惡心涎唾喜出每愛益酸甜苦之物身體或如雞皮月經不通大小便苦難食不生肌方 乾薑 芍藥 茯苓 消石 杏仁 水蛭 蝨蟲 桃仁 蟻螬 柴胡 麝蟲 各一芍藥 人參 大黃 蜀

椒 當歸 各二 右十六味為末蜜丸梧子大空心飲下三丸不知加至十九丸于金翼以瘵婦人癥結脇肋下疾

行義

夫溝渠壅塞則水道不通血脈阻滯則經矣閉絕婦人經閉不行非中有乾血何致積久不通

觀千金此門諸方縱有寒熱交錯緩急輕重不同一皆破血為務乾姜丸雖本玉函抵當丸兼金匱下瘀血湯大黃廬蟲丸等法而藥味兼護且用蜜丸而所服甚少藥雖峻猛而用法最緩蝨蛭廬蟲攻血之專劑濟以消黃椒薑和以芍歸芍藥佐以桃杏柴苓使蝨蛭等味得寒熱互擊之威助以人參壯諸藥力續續循搜為破除乾血之良法蓋久伏之瘀在人身中與元氣混成一片雖急攻之不能速去故宜峻藥緩攻法克有濟所以治乾血之方用丸居多間用酒煎以行經絡湯則藉為前導繼之以丸可也

桃仁湯 治婦人月水不通方 桃仁 朴硝 牡丹 射干 土瓜根 黃芩 各三芍藥 大黃 柴

胡酪 牛膝 桂心 酪 水蛭 蝨蟲 各七 右十三味咬咀以水九升煮取二升半去滓分三服

又方 桃仁 當歸 土瓜根 大黃 水蛭 蝨蟲 芒硝 各二牛膝 麻子仁 桂心 各三 十味咬咀以水九升煮取三升半去滓內硝令烊分為三服用後無當歸麻子仁用牡丹射干黃

芒硝湯 治同前 芒硝 丹砂末 當歸 芍藥 土瓜根 水蛭 略二 大黃 兩 桃仁 升 右八味 咀以水九升 煮取三升 去滓 內丹砂 芒硝 分三服

衍義 桃仁湯前後二方 咸本之於抵當湯 其間 蝨 蛭 硝 黃 桃 仁 桂 心 牛 膝 土 瓜 根 等 味 皆 同 而 前 方 又 出 肘 後 原 其 用 柴 胡 黃 芩 之 意 必 是 乾 血 內 逆 熱 蒸 於 上 故 用 少 陽 經 藥 兼 射 干 降 而 泄 之 牡 丹 芍 藥 不 特 和 營 兼 滋 乾 血 使 之 得 潤 而 可 漸 通 也 其 後 方 用 當 歸 滋 燥 即 前 方 牡 丹 芍 藥 和 營 之 意 用 麻 仁 潤 下 即 前 方 射 干 降 泄 之 意 以 無 蒸 熱 故 不 用 少 陽 經 藥 也 其 芒 硝 湯 一 方 藥 止 八 味 乃 抵 當 湯 丸 之 三 土 瓜 根 散 之 二 桃 仁 湯 中 之 七 獨 以 丹 砂 一 味 鎮 攝 心 主 使 血 各 歸 其 鄉 不 致 竄 入 科 囊 復 為 瘀 積 既 敗 之 血 隨 硝 黃 水 蛭 桃 仁 引 之 下 泄 與 桃 仁 湯 前 後 並 馳 無 分 優 劣

硝石湯 治血瘕 月水留瘀 血大不通 下病散 堅血方 硝石 附子 蝨 略三 大黃 細辛 乾薑 黃芩 略一 芍藥 土瓜根 丹參 代赭 蟪 略二 大棗 樹 桃 仁 升 牛 膝 升 朴 硝 兩 右 十 六 味 咀 以 酒 五 升 水 九 升 漬 藥 一 宿 明 旦 煎 取 四 升 去 滓 下 朴 硝 消 石 烱 盡 分 四 服 相 去 如 炊 頃 去 病 後 食 黃 鴨 羹 勿 見 風

衍義 方中芒硝消石並用一治五臟積熱一逐六腑積聚大黃附子並用一治固結沉寒一泄閉滯積氣則蝨蟲蟪蠃得以振破堅散血之功也

乾漆湯 治月水不通 小腹堅痛 不得近方 乾漆 葳蕤 芍藥 細辛 附子 甘草 略一 當歸 桂心 芒硝 黃芩 略二 大黃 兩 吳 茱 萸 升 右 十 二 味 咀 以 清 酒 一 斗 浸 一 宿 煮 取 三 升 去 滓 內 硝 烱 盡 分 三 服 相 去 如 一 炊 頃

治月經不通 心腹痛 絞欲死 通血止痛方 當歸 大黃 芍藥 略三 吳 茱 萸 乾 地 黃 乾 薑 芎 藭 五 升 分 五 服 一 本 有 牛 膝 麻 仁 各 三 兩 蝨 蟲 水 蛭 略二 細 辛 甘 草 桂 心 略一 梔 子 枚 十 四 桃 仁 升 右 十 四 味 咀 以 水 一 斗 五 升 煮 取

衍義 乾漆灰破血之猛帥濟以桂附硝黃交通寒熱縱久伏之血可無負隅之悍益以歸芍歲蕤資

其潤澤可無堅乾之戚其細辛萊萸黃芩各隨寒熱之佐使耳 于乾漆湯中除去漆灰芒硝黃芩吳

茱萸歲蕤易入蝨蛭桃杏乾薑梔子芎藭地黃等味總不外乎攻血之旨一以堅痛不移故用乾漆堅

韌之物以磨礪之一以絞痛攻擊是須蝨蛭蠕動之物以剝蝕之兩不移易之定法桃仁湯之變方也

前胡牡丹湯 治婦人盛實有熱在腹月經瘀閉不通及勞熱熱病後或因月經來得熱不通方 **前胡**

牡丹 元參 桃仁 黃芩 射干 旋覆花 括蕞根 甘草 芍藥 茯苓 大黃 枳實 各

兩 右十三味 咀咀以水一斗煮取三升分三服

黃芩牡丹湯 治女人從小至大月經未嘗來顏色萎黃氣力衰少飲食無味方 **黃芩** **牡丹** **桃仁**

瞿麥 芎藭 枳實 射干 海藻 大黃 蝨蟲 蟻 蠅 水 蛭 各 五十 右十三

味 咀咀以水一斗煮取三升分三服服兩劑後炙乳下一寸黑員際各五十壯

衍義 二方一因婦人所稟偏於熱勝及病後餘熱流於血室而致一月故用前胡旋覆下熱氣而散

餘邪黃芩元參以化無形之氣枳實大黃以導有形之熱丹皮芍藥桃仁以潤燥安營射干括蕞茯苓

甘草以降氣利膈氣血交通當無慮於月事之阻滯矣一以女子月素未通或鬱熱內牀而致血結不

行故用黃芩丹皮以化熱枳實大黃以導滯芎藭桃仁以和營射干瞿麥海藻以降逆蝨蛭蟻蠅以破

血也其前胡牡丹湯本金匱旋覆花湯專祛子藏風氣以無乾血故無藉於蝨蛭黃芩牡丹湯本之抵

當以無風氣餘熱故無取於萊萸其用海藻瞿麥與括蕞茯苓無異總輔射干以建開痰利水之勳耳

牡丹圓 治婦人女子諸病後月經閉絕不通及從小來不通并新產後瘀血不消服諸湯利血後餘痰

-5 145 45 915" data-label="Text">

未平宜服之取平復方 **牡丹** 芍藥 元參 桃仁 當歸 桂心 蝨蟲 水蛭 蟻 蠅 各 五十 右 十三 服方七腹中當轉如帶血自化成水去如小便亦少餘桂心用也

行義 此以黃芩牡丹湯小變其法湯以急湯故用大黃丸以緩攻故用桂心總藉蠶蛭蟻之助也
血盛者作散服服後血化成水而下即除桂心而用地膚清熱利水水即血之所化無限活法惟在詳
見證之緩急耳

乾地黃當歸圓 治月水不通或一月再來或隔月不至或多或少或淋瀝不斷或來而腰腹刺痛不可
忍四體噓吸不欲食心腹堅痛有青黃黑色水下或如清水不欲行動舉體沉重惟思眠臥欲食酸物
虛乏黃瘦方 乾地黃三當歸 甘草各一 牛膝各一 芍藥 乾薑 澤蘭 人參 牡丹各一 兩 丹參

蜀椒 白芷 黃芩 桑耳 桂心各一 廔蟲四十 芫菁一兩 桃仁二水蛭 蠶蟲十枚 蒲黃二
右二十一味為末蜜丸如梧子每日空心酒下十五丸漸加至三十九丸以知為度

行義 月經雖常不通而有時暫來有時復阻且見腹痛下青黃水明是乾血內滯欲成崩漏之兆故
立方不離四物調經為主參入蠶廔桃仁以破滯血椒薑桂心以開結積黃芩桑耳以通旺氣人參以
助藥力其餘諸味散血調經之佐也

治月經不通方 取葶藶一升為末蜜丸如彈子大綿裹內陰中入三寸每丸一宿易之有汗出止

行義 破血之藥頗多獨取葶藶為導專行破積利水水去則血隨之而化矣

乾漆圓 治月經不通百病不瘥方 乾漆 土瓜根 射干 芍藥各一 牡丹 牛膝 黃芩 桂心

吳茱萸 大黃 柴胡各一 桃仁 蠶甲各三 廔蟲 蟻螯各四 水蛭 蠶蟲各七 大麻仁四 合亂髮雞
大二 菴藷子合 右二十一味為末以蜜和為丸每日酒下十五丸如梧子大漸加至三十九日三仍用
後浸酒服前丸藥

行義 方下但言月經不通百病不瘥並未明言所見何病詳方中所用破血之味不待言矣其用柴
胡蠶甲必有日晡寒熱也用麻仁土瓜根者必是津液固結也用射干菴藷者必是上氣浮腫也用黃
桂苓連者必因本寒標熱也其餘牡丹芍藥牛膝桃仁輩皆乾漆蠶蛭之輔助也百病不瘥漸成勞瘵

勞瘵之根不出乾血如上等味雖有兼治然無一不為瘀血起見也

浸酒方 大麻子 菴蘭子 柰桃仁 桂心 竈屋煖煤略四 土灰根 射干略六 牛膝兩 右八味咬

咀以清酒三斗絹袋盛藥浸五宿以一盞下前丸藥甚良或單服之亦好

〔衍義〕前乾漆圓羣隊破血曲盡百病不瘥之機而此復取方中七味加煖煤之輕浮散火浸酒服丸

兩相維輔並用單用未為不可

當歸圓 治女人臍下癥結刺痛如蟲所嚙及如錐刀所刺或赤白帶下十二疾腰背疼痛月水或在月

前或在月後方 當歸 葶藶 附子 吳茱萸 大黃略二 黃芩 桂心 乾薑 牡丹 芎藭各

兩 細辛 秦椒 柴胡 厚朴各一兩 牡蒙無一方 甘草略一 蝨蟲 水蛭各五枚 右十八味為末蜜丸

如梧子空心酒下十五丸日再有胎勿服之○又方 治腰腹痛月水不通利方 當歸 芎藭各四

蝨蟲 烏頭 丹參 乾漆略一 人參 牡礪 土灰根 水蛭略二 桃仁五十枚 右十一味為末以

白蜜丸如梧子大酒下三九日三服

〔衍義〕當歸丸前後兩方雖皆主治血結而有愆期闕絕之不同前方專主癥結故取用桂附椒薑吳

茱萸辛熱破結即兼蝨蟻葶藶大黃予以病之出路用牡蒙細辛柴胡黃芩者為帶下赤白而設以帶

下多緣風木也 後方專主閉絕不通故備用乾漆桃仁蝨蟻苦鹽逐血即兼久參烏頭戮力破除其

用人參用大黃各有立見不得草草放過

蟹田圓 治女人小腹中積聚大如七八寸盤面上下周流痛不可忍手足苦冷效噫腥臭兩脇熱如火

炙玉門冷如風吹經水不通或在月前或在月後服之一月便瘥有孕此是河內太守魏夫人方 蟹

甲 桂心各一兩 蜂房兩 元參 蜀椒 細辛 人參 苦參 丹參 沙參 吳茱萸各十 廬蟲 水

蛭 乾薑 牡丹 附子 皂莢 當歸 芍藥 甘草 防葵各一 蟪螬二十 蝨蟲 大黃各一兩

右二十四味為末蜜丸如梧子大酒下七九日三稍加之以知為度

夫癥瘕結塊婦人居多以經行時不慎起居血留成積者十常四五故千金往往用之此丸當分作五分看無蛭虻蟻大黃為小腹中積聚如盤而設乾血內著非苦寒不能逐之使下蠶甲苦沙元參為兩脇熱如火爇而設癖積旺氣非滋陰不能化之使解椒辛皂莢防葵蜂房為上下周流痛不可忍而設風毒攻注非搜逐不能開之使泄薑桂萸附為玉門冷如風吹而設寒結固疾非辛烈不能破之使散甘草人參二丹歸芍為手足苦冷效噫腥臭而設傷殘之餘非溫理血氣不能培之使和人但知蠶甲苦沙元參為滋陰水熱之用不知本體所主無一不為消堅散積之專藥至於防葵利血脈蜂房滌痰垢皆破敵之先鋒金匱蠶甲煎丸用之婦人小腹如扇用附子湯亦金匱法非千金不能得其肯綮也又方 治婦人因產後虛冷堅結積在腹內月經往來不時苦腹脹滿繞臍下痛引腰背手足煩或冷熱心悶致不欲食方 蠶甲 乾薑 赤石脂 丹參 禹餘糧 當歸 白芷一作白木 乾地黃各一兩 代赭 甘草 鹿茸 烏賊骨 殭蠶各一兩 桂心 細辛 蜀椒 附子各一兩 右十七味為末蜜和丸如梧子大空心酒下五丸加至十丸

衍義 此方治產後虛冷是須溫補為宜雖有結滯滿痛而月事仍得往來與癥瘕固結不同故但取烏賊骨蠶甲緩散瘀積可無藉於蟲蛭苦參等味也殭蠶白芷緩祛內風輔以椒辛可無藉於防葵蜂房等味也桂附乾薑專破冷結可無藉于吳茱萸也鹿茸溫養營血佐以歸地丹甘功力甚于人參也石脂禹糧代赭填補其空原無固結可無礙于止瀉也一以破結為先一以溫補為務二方可比例而論哉

禹餘糧圓 治婦人產後積冷堅癖方 禹餘糧 烏賊骨 吳茱萸 桂心 蜀椒各二兩 當歸 白木 細辛 乾地黃 人參 芍藥 芎藭 前胡各一兩 六銖 乾薑 兩 礬石 六銖 白薇 紫苑 黃芩各十銖 廬蟲 一兩 右十九味為末蜜和丸如梧子大空心酒下若飲二十九日仍不知則加之

衍義 此與蟹甲丸第二方主治相類彼用白芷此用白薇彼用殭蠶此用前胡彼用石脂此用礬石
彼用丹參此用紫苑彼用白朮此用甘草彼用蟹甲此用麝蟲彼用鹿茸此用人參藥雖變易而功用
彷彿惟彼用附子以助鹿茸薑桂之雄此用黃芩分椒薑細辛之悍涇渭攸分於此稍異
牡蒙圓 治婦人產後十二癥病帶下無子皆是冷風寒氣或產後未滿百日胞絡惡血未盡便利于懸
固上及久坐濕寒入胞裏結在小腹牢痛為之積聚小如雞子大者如拳按之跳手隱隱然或如蟲噉
或如針刺氣時搶心兩脇支滿不能食飲食不消化上下通流或守胃管痛連玉門背膊逆短氣汗
出小腹苦寒胞中創效引陰痛小便自出于門不正令人無子腰膝痠痛四肢沉重淫躍一身盡腫乍
來乍去大便不利小便淋瀝或月經不通或下如腐肉青黃赤白黑等如豆汁夢想不祥方益一名紫牡
蒙厚朴 硝石 前胡 乾薑 麝蟲 牡丹 蜀椒 黃芩 桔梗 茯苓 細辛 葶藶 人參

子大空心酒服二丸日三服知則加之至五六丸下青白黃赤如魚子者病根出矣
衍義 方下主治最繁總不出冷風寒氣四字為致病之綱所以首推牡蒙前胡專祛胞門風氣餘皆
因病變證之治法與前當歸丸二方參看其義自明

治月經不通結成癥瘕如石腹大骨立宜此破血下癥方 大黃 硝石 硃 巴豆 蜀椒 各一 代赭
柴胡 煮 水 蛭 丹 參 熟 冷 土 瓜 根 各 三 乾 漆 芎 藭 乾 薑 蟲 蟲 茯苓 各 二
巴豆別研蜜和丸如梧子空心酒服二丸不知加至五丸日再服行金翼無柴胡水 右十四味為末

衍義 癥結日久而致腹大骨立審無風氣崩帶別証夾雜但須專力破癥癥散則精自回形自復而
柴胡用熬欲其內疎肝氣無取外散之意惟氣虛不勝攻剋者未可輕試

大蟲蟲圓 治月經不通五七年或腫滿氣逆腹脹痲痛宜服此數有神驗方 蟲 蟲 各 四 百 蟾 蟾 升 乾 地
黃 牡 丹 乾 漆 芍 藥 牛 膝 土 瓜 根 桂 心 路 四 吳 茱 萸 桃 仁 黃 芩 牡 蒙 路 三 大 令

海藻... 水蛭... 芒硝... 兩... 參... 九... 味... 為... 末... 蜜... 九... 梧... 子... 太... 母... 日... 空... 心... 酒... 下... 七... 丸... 不... 知... 加... 之... 日... 二... 服...

衍義 癥結歲久月閉不通非師金匱之法無以措指方中蝨蟲水蛭蟻蠅乾漆桃仁芍藥地黃黃芩

等味大黃腐蝨丸中藥也其外牡蒙土瓜根牛膝牡丹專破痰積之癥葶藶海藻芒硝專破血化之水

參苓桂心專扶正氣而行藥力也

桂心酒 治月經不通結成癥瘕方 桂心 牡丹 芍藥 牛膝 乾漆 土瓜根 牡蒙 略 四 吳茱

萸升大黃 兩 黃芩 乾薑 略 二 蝨蟲 枝 二百 蟻蟲 水蛭 各 七 亂髮 灰 細辛 兩 一 蠶蠶 枝 五 十 大

麻仁 龜突墨 非 乾地黃 兩 六 虎杖根 蠶甲 略 五 蒼朮 子 非 右 二十四味 咬咀 以酒 四斗 分兩 甕 浸

之七日 併一甕 攪令調和 分作四甕 初服二合 日二 加至三四合

虎杖煎 治腹內積聚虛脹雷鳴四肢沉重月經不通亦治丈夫病方 取高地虎杖根細剉二斛 以水

二石五斗 煮取一大斗半 去滓 澄濾 令淨 取好醇酒五升 和煎 令如餒 每服一合 消息為度 不知則加

之 又方 治月經不通結癥腹大如甕 短氣欲死方 虎杖根 上 曬 乾 切 土瓜根 牛膝 各 取 汁

右三味 咬咀 以水一斛 浸虎杖根一宿 明旦煎取二斗 內土瓜牛膝汁 攪令調和 煎令如餒 每以酒服

一合 日再夜一宿 血當下 若病去 止服

桃仁煎 治帶下經閉不通方 桃仁 蝨蟲 各 一 朴硝 兩 五 大黃 兩 六 右四味 為末 別治桃仁 以醇苦酒

四升 內銅器中 炭火煎至二升 下大黃 桃仁 蝨蟲 等攪 勿住手 當欲可丸 下朴硝 更攪 勿住手 良久出

之可丸 乃止 取一丸 如雞子 黃投酒中 頂一宿 勿食 服之 至晡時 下如大豆 汁或如雞肝 凝血 癥瘕 子

或如膏 此是病下也

治月經不通甚極閉塞方 牛膝 一斤 麻子 三升 土瓜根 兩 三 桃仁 非 右四味 咬咀 以好酒 一斗 五升 浸

五宿 一服 五合 漸加至一升 日三能多益佳

治產後風冷留血不去停結月水閉塞方 桃仁 麻子仁各一 菴蘭子升 右三味咬咀以好酒三斗

五宿每服五合日三稍加至一升

衍義 破血以酒捷以湯丸而所用之味與湯丸無異惟虎杖根蘆突黑為散血利水之專藥其虎杖

煎虎杖土瓜根牛膝酒桃仁煎牛膝麻子土瓜根仁酒桃仁麻子菴蘭子酒等方皆桂心酒中一鱗片

甲耳

治月經不通臍下堅結大如杯盤發熱往來下痢羸瘦此為血瘕若生肉瘕不可為也療之方 生地

黃取汁斤 乾漆為末 右二味以漆末內地黃汁中微火煎令可丸每服酒下如梧子大三丸不知加

之常以食後服

衍義 生地黃得乾漆灰則寒而不滯乾漆灰得生地黃則威而不猛真破瘕之專藥但須審元氣可

任者用之

五京湯 治婦人腹中積聚九痛七害及腰中冷引小腹害食得冷便下方 乾薑 蜀椒酪 三附子兩

吳茱萸并當歸 狼毒 黃芩 牡蠣酪 二 右八味為末蜜和丸如梧子初服三九日二加至十丸

此出京氏五君故名五京久患冷困者當服之

衍義 此於金匱九痛丸中除去人參巴豆二味乃加蜀椒以下氣當歸以和血牡蠣以消堅黃芩以

泄滿蓋痛欲速瘕積宜緩追故用當歸黃芩以緩狼毒附子之急也

雞鳴紫圓 治婦人癥瘕積聚方 皂莢分 藜蘆 甘草 礬石 烏啄 杏仁 乾薑 桂心 巴豆

各二前胡 人參 各四分 代赭 五分 阿膠 六分 大黃 一分 右十四味為末蜜丸如梧子雞鳴時服一丸日益一

丸至五丸止仍從一起下白者風也赤者瘕瘕也青微黃者心腹病

衍義 皂莢藜蘆涌吐頑痰之首藥烏啄巴豆溫破堅積之猛藥人參大黃補中寓瀉之聖藥識此精

義餘可例推矣

遼東都尉所上圓 治臍下堅解無所不治方 恒山 大黃 巴豆 一天雄 苦參 白薇 乾薑

人參 細辛 狼毒 龍胆 沙參 元參 丹參 各三芍藥 附子 牛膝 茯苓 各五分 牡蒙 四分

種蘆 右二十味為末蜜丸宿勿食服五丸日三大羸瘦月水不調當二十五日服之下長蟲或下

行義 此治痰癖藥也痰癖多由風氣積聚故首推恒山以吐胸中逆滿末取蘆蘆以利臍下堅癖其

他諸藥悉隨嚮導而建破積之功略無干於破血之味也

牡蠣圓 治經閉不通不欲飲食方 牡蠣兩 大黃斤 柴胡兩 乾薑兩 芍藥 茯苓 各三 蜀椒 兩 葶藶子

芒硝 杏仁 各五 水蛭 蠱蟲 各半 桃仁 七枚 右十三味為末蜜丸如梧子大飲服七丸日三

行義 牡蠣葶藶為破結水利之要藥南陽治大病瘥後腰以下有水氣用之此治經閉不通血化為

水上逆而見吐逆寒熱故用柴胡椒薑杏仁茯苓以下氣蠱蛭硝黃芩窮桃仁以破血與牡蠣澤瀉散

同源異派

赤白帶下崩中漏下第二十論 灸法八首 方六十三首

論曰諸方說三十六疾者十二癥九痛七害五傷三痼不通是也何謂十二癥是所下之物一曰狀如膏

二曰如黑血三曰如紫汁四曰如赤肉五曰如膿痂六曰如豆汁七曰如葵羹八曰如凝血九曰如清血

血似水十曰如米泔十一曰如月浣乍前乍却十二曰經度不應期也何謂九痛一曰陰中痛傷二曰陰

中淋瀝痛三曰小便即痛四曰寒冷痛五曰經來即腹中痛六曰氣滿痛七曰汁出陰中如有蟲嚙痛八

曰脇下分痛九曰腰膝痛何謂七害一曰窮孔痛不利二曰中寒熱痛三曰小腹急墜痛四曰藏不仁五

日子門不端引背痛六曰月浣乍多乍少七曰害吐何謂五傷一曰兩脇支滿痛二曰心痛引脇三曰氣

結不通四曰邪思洩利五曰前後痼寒何謂三痼一曰羸瘦不生肌膚二曰絕產乳三曰經水閉塞病有

異同具治之方

白堊圓 治女人三十六疾方見後 白堊 龍骨 芍藥 各對黃連 當歸 茯苓 黃芩 瞿麥

白薇 石韋 甘草 牡蠣 細辛 附子 禹餘糧 白石脂 人參 烏賊骨 藁本 相皮

大黃各半 右二十一味為末蜜和丸如梧子大空腹飲服十九日再不知加之二十日知一月百病

除若十二癥倍牡蠣禹餘糧烏賊骨白石脂龍骨若九痛倍黃連白薇甘草當歸若七害倍細辛相皮

藁本加蜀椒茱萸各一兩若五傷倍大黃石韋瞿麥若三瘕倍人參加赤石脂礬石巴戟天各半兩合

藥時隨病增減之

衍義 白堊丸前後兩方統治婦人三十六疾究其所主總不出帶下崩漏也方下所云十二癥者以

子戶傷損所下種種各有微驗雖非癥瘕若癥結不散久而具形漸成固疾矣子戶傷損血氣狼戾未

有不為諸病者痛久不已未有不害及經府者所以一方能主諸疾諸疾不離帶帶所謂治病必求其

本也方以白堊命名取其溫中益氣專主寒熱癥瘕月閉積聚石脂治崩中漏下禹餘糧治血閉癥瘕

龍骨治漏下癥瘕結堅牡蠣治赤白帶下五者皆本經主治烏賊骨治氣竭肝傷月事衰少不來此則

素問主治其藁薇細辛專散下藁虛風石韋瞿麥專祛下阻血熱苓連大黃專除內蘊積滯然非人參

不足以助其力非附子不足以鼓其雄不特補瀉相需寒熱互用深得長沙妙旨而彙取兜澀之品以

安傷殘之餘庶幾痛止害平氣血漸復是歸芍苓甘相皮之屬雖庸不廢斯可藉以流布也 其第二

方主治不殊而虛寒過甚閉關廢弛故取鍾乳佐白堊葶以固脫利數薑桂蜀椒佐附子以安中止崩

白芷杜風治陰腫與藁本無異以方中辛烈過多故無藉人參相皮助氣耳 其後月經不調例中復

有白堊丸方乃於第一方中除去大黃茯苓藁本相皮易入薑桂椒芷于第二方中除去鍾乳茯苓大

黃仍從事於人參以無內蘊之滯故用法稍平其隨病增減之妙長沙之後千古一人而已

赤石脂圓 治女人腹中十二疾 一曰經水不時 二曰經來如清水 三曰經水不通 四曰不周時 五曰生

不乳六曰絕無子七曰陰陽減少八曰腹苦痛如刺九曰陰中冷十曰子門相引痛十一曰經來凍如

快而後生百病或瘡癩未瘥便合陰陽及起早作勞衣單席薄寒從下入方 赤石脂 半夏各一兩
蜀椒 乾薑 吳茱萸 當歸 桂心 丹參 白薇 防風各一兩 蘆盧兩 右十一味為末蜜和丸
如梧子大每日空心酒服十九日三不知稍加以知為度

白石脂圓 治婦人三十六疾胞中痛漏下赤白方 白石脂 烏賊骨 禹餘糧 牡蠣各十銖 赤石脂

乾地黄 乾薑 龍骨 桂心 石葦 白薇 細辛 芍藥 黃連 附子 當歸 黃芩 蜀椒

鍾乳 白芷 芎藭 甘草各半 右二十二味為末蜜和丸如梧子大每日空心酒下十五丸日

再 一方有黃柏半兩

行義 婦人經癸不調總以溫理血氣為主或因形寒飲冷而阻絕不行或因房勞過劇而亡脫無度
詳推治例必於固脫劑中兼散乾血庶兩得之所以赤石脂圓雖用石脂必兼薑桂椒荈辛溫散結則
石脂無兇澀結痛之虞然非當歸丹皮不能使血歸經非白薇防風不能杜風祛熱更須半夏以清中
焦營氣之原蘆盧以除癥瘕之積所謂標本兼該治也 白石脂圓雖取白以固氣必兼赤以固血其
禹餘糧等味則與白堊丸相仿彼用歸芍此用芎藭猶退營本而進白芷之義也

小牛角鯁散 治帶下五賁一日熱病下血二日寒熱下血三日經脈未斷為房事則血漏四日經來舉

重傷任脈下血五日產後臟開經利五賁之病外實內虛方 牛角鯁一枚燒 鹿茸 禹餘糧 當歸

乾薑 續斷各二兩 阿膠三兩 烏賊骨 龍骨各一兩 赤小豆半 右十味治下篩空腹以酒服方寸匕日三

千金翼無鹿茸烏賊骨

行義 此方專主五賁下血方用角鯁以治帶下血崩鹿茸以治漏下惡血一止一散先為五賁之專

藥禹餘糧以治帶下赤白血閉癥瘕能行能止匡佐上二味之功益力更以龍骨輔角鯁烏賊輔鹿茸

皆寓止散之機阿膠專主內崩乾薑專溫中氣小豆專清小腸當歸續斷專主衝帶二脈之病為崩帶

之緊關也

龍骨散 治淳下十二病絕產一曰白帶二曰赤帶三曰經水不利四曰陰胎五曰子藏堅六曰藏癖七

曰陰陽患病痛八曰內強九曰腹寒十曰藏閉十一曰五藏酸痛十二曰夢與鬼神交宜服之淳下七本作腹

下 龍骨三黃柏 半夏 竈中黃土 桂心 乾薑各二 石葦 滑石各一 烏賊骨 代赭各四 白

僵蠶五十枚 右十一味治下篩酒服方寸七日三日白多者加烏賊骨僵蠶各二兩赤多者加代赭五兩小腹滿加黃柏二兩子藏堅加乾薑桂心各二兩已上各隨病增之服藥三月有子即住藥藥太過多生兩子當審方取好藥寡婦童女不可妄服

行義 前小牛角鯁散專主內崩此龍骨散專主子藏方中龍骨代赭竈中黃土各司癥瘕堅結赤沃

漏下胎漏下血之任桂心乾薑半夏各司通經散結溫中滌穢下氣連痰之任滑石石葦黃柏各司濕熱留著癥閉不通陰陽蝕瘡之任烏賊骨僵蠶各司散血行經祛風化痰之任與小牛角鯁散相為掎

角服藥三月有子得非宿有微驗歟

治女子帶下諸病方 大黃米下 附子 茯苓 牡蒙 牡丹 桔梗 葶蘆各三 厚朴 芎藭 人

參 當歸 蝨蟲 蜀椒 吳茱萸 柴胡 乾薑 桂心各半 細辛二兩 右十八味為末蜜和丸

如梧子大每日空心酒服二丸不知加之以腹中溫溫為度兩一本有麻子澤 右十八味為末蜜和丸

治帶下百病無子服藥十四日下血二十日下長虫及青黃汁出三十日病除五十日肥白方 大黃如破

豆粒熱柴胡 朴硝各一斤 芎藭兩 乾薑 蜀椒各一 茯苓如雞子 右七味為末蜜和丸如梧子大先

食米飲服七丸不知加至五十九丸以知為度

行義 風從上受則為喘為嗽風從下入則為帶為崩是以千金治經候崩帶之疾必用杜風滌垢之

味參入辛溫散結劑中世都莫解其故此方與六卷月水不通例中當歸丸相類牡蒙丸當歸丸中但

多水蛭黃芩甘草而無人參茯苓桔梗夫黃芩甘草與茯苓桔梗無所關係也惟水蛭人參攻補懸殊

牡蒙丸中但多蟬蛻前胡黃芩硝石而無螻蟲柴胡螻蟲柴胡與蟬蛻前胡功用彷彿也惟硝石之悍與當歸丸中水蛭角立也一專滌垢一專破血且挾大黃附子之威無堅不克所以略更一二便易方名其治帶下百病無子方即於女子帶下諸病方中裁去其半服藥十四日下血二十日下長蟲及青黃汁出得非味減力專之驗歟

治帶下方 枸杞根并生地黃升五 右二味咬咀以酒一斗煮取五升分三服

衍義 肥人帶下多屬痰濕瘦人帶下多屬陰虛此方專用生地黃以清血熱則兼枸杞根以清蒸熱為瘦人陰虛帶下腥稀色黃者之方與胃中濕熱下流色白粘厚者略無干涉然須酒煮方有和營逐血之功

治婦人及女子赤白帶下方 禹餘糧 當歸 芎藭各一兩半 赤白脂 白石脂 阿膠 龍骨 石韋兩

磁烏賊骨 黃柏 白薇 黃芩黃連續斷 桑耳 牡蠣略一 右十五味為末蜜和丸如梧子大

空心飲下十五丸日再加至三十九丸為度

衍義 帶下而至赤白交併明係患久虛脫故用鎮固而兼搜逐以治其本滋血而兼清熱以治其標本兼得之妙用惟千金得之

白馬蹄圓 治女人下焦寒冷或帶下赤白浣方 白馬蹄 鱉甲 附子 龜甲 蜀椒略一 鯉魚甲

甘草 杜仲 磁石 當歸 續斷 萆薢 禹餘糧 桑耳 芎藭略二 右十五味為末蜜和

丸如梧子大以酒服十九丸加至三十九丸日三服一本無龜甲

衍義 赤白帶下積久不愈必有淤結留著於內非辛溫無以療之然血氣久傷草根木實不足以固其脫故取異類有情之物方得同氣相感之力白馬蹄龜鱉鯉魚甲皆厥陰任衝之嚮導以其裏填塞罅漏之功禹餘糧磁石專行固脫蜀椒川附專行溫散萆薢桑耳一取入肝搜風一主漏下赤白有散斂相需之妙蓋白馬蹄專主白崩赤馬蹄專主赤崩本經取治驚邪癩癧乳難別錄取治助血內崩總

取清理血室之用桑耳涼潤善祛子藏風熱不但主漏下并可以治寒熱積聚去則不難成孕矣其用
芎歸續斷杜仲甘草不過調和血氣之補助耳

白馬駝散

治帶下方下白者取白馬駝下赤者取赤馬駝隨色取之

白馬駝二龜甲四鱗甲十八牡蠣八兩十

右四味治

下篩空心酒下方寸匕日三服加至一七半

衍義

此方與前白馬蹄丸功用相仿而白馬駝與白馬蹄功用亦相仿龜鱗二甲相為輔佐亦相仿
惟牡蠣鹹入腎有更堅止漏之能可抵禹餘糧磁石之功其主赤白帶下亦本經之旨駝即是髮隨赤
白色燒灰用之

治五色帶下方

服大豆紫湯日三方方見前三卷風篇中

又方 燒馬左蹄為末酒服方寸匕日三服 又方

燒狗頭和毛皮骨為末以酒服方寸匕

又方 煮獸帶汁服一杯良 又方 燒馬蹄底護乾為

末酒服方寸匕日三

衍義

狗屬腎溫補火土二臟取頭骨燒灰酒服則有止血之功丹溪常效之

雲母芎藭散

衛公治五崩身瘦欬逆煩滿少氣心下痛面生瘡腰痛不可俯仰陰中腫如有瘡狀毛中

癢時痛與子藏相通小便不利常拘急頭眩頸項急痛手足熱氣逆衝急心煩不得臥腹中急痛食不

下吞酸噫苦上下腸鳴漏下赤白青黃黑汁大臭如膠汚衣狀皆是內傷所致中寒即下白熱即下赤

多飲即下黑多食即下黃多藥即下青或喜或怒心中常恐或憂勞便發動大風惡寒方 雲母 芎

藭 代赭

東門邊木燒各

兩白殭蠶 烏賊骨

白堊

蝟皮各六

鱉甲一作

桂心 伏龍肝 生鯉

魚頭各十

右十二味治下篩酒服方寸匕日三夜一 一方有龍骨乾葛

衍義

詳方下諸證總是營血受傷火氣遊行隨虛而陷之患五崩身瘦以下見證種種一皆內傷所
致中寒則下白以下見證又為飲食藥餌所傷更加喜怒憂勞七情擾動則大惡風寒此元神不能固
護於外恐人誤認客邪所以特為招揭而立方首推雲母以鎮攝虛陽代赭以斂固精血白堊以統領

諸氣伏龍肝以溫理脾胃脾胃為身之津梁津梁充實氣血有所統攝矣其蟄及鳥賊蟹甲彈蠶生鱉魚頭血肉諸味咸為推陳致新之用獨桂心一味含芳窮為從治虛熱之嚮導東門遵木取巽方之氣燒灰以散瘀結也

慎火草散 治崩中漏下赤白青黑腐臭不可近令人面黑無顏色皮骨相連月經失度往來無常小腹弦急或苦絞痛上至心兩脇腫脹食不生肌膚令人偏枯氣息之少腰背痛連脇不能久立嗜臥困懶方取後 慎火草 白石脂 禹餘糧 蟹甲 乾薑 細辛 當歸 芎藭 石斛 芍藥 牡蠣 兩二 黃連 薔薇根皮 乾地黃 酪四 熟艾 桂心 兩一 右十六味治下篩空腹酒服方寸七日三稍加至二七若寒多者加附子蜀椒熱多者加知母黃芩各一兩白多者加乾薑白脂亦多者加桂心代赭各二兩

衍義 婦人之患隱疾十常四五其受病之源有因風下襲因濕內著因冷積於因怒動血因勞傷經種種不同而所見之證有實有虛有虛中實滯有熱因寒阻有寒熱交錯則又隨所稟之偏與喜怒哀失宜所致也此方以慎火草為主慎火即是景天力能辟火故又名慎火本經大熱火瘡身熱煩邪惡氣而用以治崩中帶下取其能祛肝家濕熱也佐以石斛黃連專為清火而設石脂餘糧專為固脫而設薑根辛艾專為溫經而設芎藭芍地專為和營而設蟹甲牡蠣專為軟堅而設薔薇根皮專為陰蝕不瘳而設亦本經之主治也 本門後復有慎火散一方以慎火草熬黃殺其苦寒之性資以鹿茸龍骨阿膠當歸溫補固本藉慎火之清熱治標此中奧義惟千金得之

禹餘糧圓 治崩中赤白不絕困篤方 禹餘糧_{五兩} 白馬蹄_{十兩} 龍骨_{三兩} 鹿茸_{二兩} 烏賊骨_兩 右五味為末蜜丸如梧子大酒服二十九日再以此知為度

衍義 千金治崩漏多用血肉之味此用馬蹄鹿茸龍骨烏賊皆止中寓散之意禹餘糧則專於固脫惟久崩困篤者宜之若瘀血固結少腹堅滿者則又未可輕試也

增損禹餘糧圓 治女人勞損因成崩中狀如月經來去多不可禁止積日不斷五臟空虛失色黃瘦崩

竭暫止少日復發不耐動搖小勞輒劇治法且宜與湯未宜與此丸也發時服湯減退即與此丸若是

疾久可以長與此方 禹餘糧 龍骨 人參 桂心 紫石英 烏頭 寄生 杜仲 五味子

遠志略 澤瀉 當歸 石斛 茯苓 乾薑略 蜀椒 牡蠣 甘草略 右十八味為末蜜丸

梧子大空心酒下十九丸漸加至二十九日三服

〔行義〕勞損成崩而用溫補固脫宜矣若小勞復發之時恐有淤結未去又須先與湯液蕩平血氣然

後用禹餘糧石英龍骨牡蠣以振固脫之功椒薑烏桂以建溫經之勳寄仲歸從以資和營之用志味

斛澤以行通調之力人參甘草以運諸藥之性洵為久疾長服之神丹也

治女人白崩及痔漏方 槐耳 白薇 艾葉 蒲黃 白芷略 黃芪 人參 續斷 當歸 禹餘

糧 橘皮 茯苓 乾地黄 蝟皮略 猪後懸蹄個 白馬蹄酒浸一宿 牛角鯁各四 右十七味為

末蜜丸空心酒下二十九日二加之

〔行義〕此方雖列崩閉而所重全在痔漏故用槐耳專清大腸血熱若主崩漏則用桑耳專清子臟風

熱矣至用苳薇蒲艾芪續歸地苓橘禹餘糧之屬乃相兼二者之治惟牛鯁馬蹄為崩閉專藥蝟皮猪

蹄又專主痔病而剋削最甚即有人參一味敵以上四味之性尚恐不及安望其有補益之力哉

治婦人忍暴崩中去血不斷或如鵝鴨肝者方 小薊根六兩 當歸 阿膠 續斷 青竹茹 芎藭各三

生地黃八兩 釜月下土絹囊 地榆各四 馬通一升赤帶用赤 右十味咬咀以水八升和馬通汁煮取三

升分三服不止頻服三四劑未全止

續服後九方 續斷 甘草 地榆 鹿茸 小薊根 丹參各三 乾地黄二兩 芎藭 赤石脂 阿膠

當歸各半 龜甲 秦牛角鯁各三 兩到 柏子仁一兩 集驗 右十四味為末蜜丸如梧子大空心酒

衍義 崩中起於忽暴明是不慎受傷而至去血不止如雞鴨肝急需急瀝為先非患久涉虛宜用溫補之比故取小薊竹如破血為主而兼芎藭歸地續阿膠地榆和血之劑以佐薊根竹如之力惟釜月下土以溫土和營馬通以逐血解毒 服三四劑稍可而未全止恐元神委頓則於前方除馬通傷胃之味而進鹿茸牛髓龜甲固營之品更以石脂代釜月下土柏子仁以代竹如又大減薊根佐以丹參甘草此先後應敵者也

治女人崩中去赤白方 白馬蹄五蒲黃 鹿茸 禹餘糧 白馬鬃毛 小薊根 白芷 續斷各四兩

人參 乾地黄 柏子仁 烏賊骨 黃芪 茯苓 當歸各三兩 艾葉 茯苓 伏龍肝各二兩 右十

八味為末蜜丸梧子大空心飲服二十九日再加至四十九

衍義 此方溫中散瘀兼得其真允為調適久崩之合劑

當歸湯 治崩中去血虛羸方 當歸 芎藭 黃芩 芍藥 甘草各二兩 生竹如仁 右六味咬咀以

水一斗煮竹如取六升去滓內諸藥煎取三升半分三服忌勞動嗔怒禁房事百日

衍義 方下雖主崩中去血虛羸必竟血虛火旺火能消物所以羸瘦方用芎歸芍藥專行和血甘芩

竹如專清胃熱然惟始病用之為宜若久困虛羸當非此方可治也

治崩中晝夜十數行眾醫所不能瘥者方 芎藭八兩咬咀以酒五升煮取三升分三服不飲酒者水煮亦

得

衍義 崩中而至晝夜十數行眾醫不能瘥必是瘀結占據血室而致血不歸經非辛散不能破結故

專取芎藭一味大劑酒煮以行其滯庶子臟安和然後能瘥雖暴崩治法而耗氣最猛稍涉虛者慎勿

輕投

治崩中下血出血一斛服之即斷或月經來過多及過期不來者服之亦佳方 吳茱萸 當歸各三兩

芎藭 人參 芍藥 牡丹 桂心 阿膠 生薑 甘草各二兩 半夏八兩 麥門冬升 右十二味咬咀

以水一斗煮取三升分三服

衍義 此即金匱溫經湯原方妙用全在煑桂之散結薑半之滌垢尤妙在麥冬滋燥也

治暴崩中去血不止方 牡蠣 兔膏半斤 右二味治下篩酒服方寸七日三

衍義 兔為至陰之精骨乃腎氣之合能治產難下胎及產後餘血不下配以牡蠣之專入少陰而本

經上治女子赤白帶下非取其較堅散結之力歟

治女人白崩方 芎藭 桂心 阿膠 赤石脂 小薊根各二兩 乾地黄兩 伏龍肝如雞子大一枚 右七味咬

咀以酒六升水四升合煮取三升去滓內膠令烊盡分三服日三味無伏龍肝

衍義 即治婦人忽暴崩中去血不斷如鷓鴣肝後方之的派變丸為湯水酒和煎取其立功之速也

伏龍肝湯 治崩中去赤白或如豆汁方 伏龍肝如彈子大七枚 生薑五兩 生地黄四升 甘草兩 艾葉 赤石

脂 桂心各二兩 右七味咬咀以水一斗煮取三升分四服日三夜一

衍義 此以伏龍肝赤石脂固脫而兼桂艾溫經地黃滋血甘草生薑開提胃氣以和寒熱之性也

大牛角中人散 治積冷崩中去血不出腰背痛四肢沉重虛極方 牛角仁一枚 續斷 乾地黄 桑

耳 白朮 赤石脂 礬石 乾薑 附子 龍骨 當歸各三兩 人參兩 蒲黃 防風 禹餘糧各二兩

右十五味治下篩以溫酒末食服方寸七日三不知稍加

衍義 即前小牛角鯁散之變法方中地黄乃阿膠之變桑耳乃赤小豆之變蒲黃乃烏賊骨之變人

參乃鹿茸之變附子白朮專用溫經石脂礬石專行固脫防風一味專祛子臟中風且治腰背痛四肢

沉重兼行地黃之滯以其積冷虛極非峻用溫補兜澀必難取效耳

治崩中去血積時不止起死方 肥羊肉斤 乾薑 當歸各三兩 生地黄斤 右四味咬咀以水二斗煮羊

肉取一斗三升下地黃汁及諸藥煮取三升分四服即斷尤宜羸瘦人服之

衍義 即金匱當歸生薑羊肉湯因加入生地黄以滋血故改用乾薑以行其滯

生地黃湯 治崩中漏下月去數升方 生地黃斤細辛兩 右二味以水一斗煮取六升服八合
久服佳

衍義 此治風入胞門蘊化為火而崩漏無度故專用地黃以滋血室之熱細辛以散厥陰之風風散則火熄而血自安矣以有細辛之辛散故無藉於酒煮也

治崩中漏下赤白不止氣虛竭方 龜甲 牡蠣各三 二味治下篩酒服方寸七日三〇又方 燒亂

髮及酒和服方寸七日三〇又方 桑耳^兩鹿茸^兩 二味以醋五升漬炙燒漬盡為度治下篩服

方寸七日三〇又方 燒鹿角為末酒服方寸七日三〇又方 燒桃核為末酒服方寸七日三〇又

方 地榆 知母^{各指大} 二味以醋三升東向灶中治極濃去滓服之〇又方 桑木中蟬屎

燒灰酒服方寸七

衍義 崩中而用龜甲牡蠣血熱妄行之治也 亂髮燒灰酒服破宿生新之治也 桑耳鹿茸醋漬

本虛標熱之治也 鹿角燒灰酒服止中寓散之治也 桃核燒灰酒服散中寓止之治也 地榆知

母醋煮瀉火截崩之治也 桑木中蟬屎灰搜風滌垢之治也 以上丹方或用酒服以行其滯或用

醋煮以截其崩總取味少力專實家易辦之治若患久虛脫非大劑溫補良難克應也

治崩中下血羸瘦少氣調中補虛止血方 澤蘭 蜀椒^兩 葶藶^兩 柏子仁 山茱萸 厚朴^{各十}

乾地黃 牡蠣^{各一}代赭 桂心 防風 細辛 乾薑^兩 甘草 當歸 芎藭^{各一} 蘇莢^兩 蘇葉^兩

右十七味治下篩空心溫酒服方寸七日三神良 一方如白芷龍骨各十八銖人參一兩十八銖為

二十味

衍義 此方雖言調中補虛止血而疎泄之藥反多于溫養之味方中防風細辛葶藶本澤蘭柏仁搜風

藥也厚朴蘇莢滌垢藥也蜀椒桂心溫散藥也乾薑代赭牡蠣止截藥也惟芎藭歸地黃山萸甘草為滋

養之品其羸瘦少氣起於崩中故先行搜風滌垢以潔淨血腑然後血得歸經而中自調虛自補血自

止矣如虛脫過劇又當加方後等味尤為得力

治崩中方 白茅根斤五 小薊根斤五 右二味咬咀以水五升煎取四斗稍服之外臺用酒煎

衍義 崩中而用茅薊二根專行清熱散血散而崩自止外臺用酒煎尤宜

丹參酒 治崩中去血及產後餘疾方 丹參 艾葉 地榆 忍冬 地黃各五 右五味剉先洗白

熟菴以水漬三宿出滓者取汁以黍米一斗炊飯釀酒酒熟榨之初服四合後稍稍添之

衍義 崩中去血產後餘疾總宜調和血氣丹參艾葉地黃地榆皆活血之品獨忍冬一味人但知其

解毒祛膿不知其能利風虛有瀉中寓補之妙用以釀酒頗盡營行經脈之旨

牡丹皮湯 治崩中血盛併服三劑即瘥方 牡丹皮 乾地黃 斛脈各三 禹餘糧 艾葉 龍骨

柏葉 厚朴 白芷 伏龍肝 青竹茹 芎藭 地榆各二 阿膠斤 芍藥兩 右十五味咬咀以水

一斗五升煮取五升分五服相去如人行十里久再服

衍義 崩中去血過甚非斂散交參溫涼兼濟無以克捷其功效用龍骨禹餘糧地榆散用牡丹白芷

厚朴斛脈溫用膠艾芎藭伏龍肝涼用地芍竹茹柏葉斂散溫涼之義備矣

治崩中單方 燒牛角鰓末以酒服方寸匕日三服亦治帶下○又方 桑耳燒令黑為末酒服方寸匕

日二服亦治帶下○又方 生薊根一斤半搗取汁溫服亦可酒煮服之○又方 羊脛一具以酢煮

去血服之即止忌豬魚酢滑物犯之便死

衍義 牛角鰓為中虛受傷久崩不瘥之專藥以牛屬坤土鰓乃角中之骨專補腎肝之血脾肝腎三

經藥也 桑耳善祛子藏中風熱木經黑者主女子漏下赤者治血病癥瘕積聚如無桑耳他樹上木

耳亦能治崩中漏下又為痔瘡專藥以其得濕熱之氣從朽株浮長取同氣相感之力然必燒黑用之

小薊專力破血上吐用花下崩用根本乎天者親上本乎地者親下也 羊性溫補而脛專滌垢去血酢煮取其酸斂然最畏酢得酢則耗血不但不可與豬魚酢食生椒亦須忌之

須烏賊蒲黃子以出路也 其後蒲黃散方下主治藥品與鹿茸散不異必竟瘀積較前稍甚虛寒較前稍輕故但取前方鹿茸當歸蒲黃三味以血不甚虛故無藉阿膠而鹿茸減料以無烏賊所以加用蒲黃遂以名方意在散血也

治女人產後漏下及病痔下血方 礬石兩附子一枚 右二味為末蜜丸如梧子大空心酒下二丸日三

稍加至五丸數日瘥能百日服之永斷

衍義 漏下而用溫經固脫宜矣痔病下血亦用之者必患久虛脫方為合劑若腫赤夜墜不可誤用慎之慎之

芎藭湯 治帶下漏血不止方 芎藭 乾地黄 黃芪 芍藥 吳茱萸 甘草略二當歸 乾薑各

兩 右八味咬咀以水一斗煮取三升分三服若月經後因有赤白不止者除地黃吳茱萸加杜仲人

參各二兩

衍義 芎歸地芍雖專調血不得甘芪不能助衛和營尤妙在薑萸之辛溫使血無阻積得以歸經而經後赤白不止非但不可用茱萸之濁燥即地黃之膩滯亦宜斟酌故退二味而進杜仲以益氣精氣充而血液固矣

治漏下去血不止方 取水蛭治下篩酒服一錢許日二惡血消即能愈

衍義 水蛭於破血劑中首推峻厲稍涉虛者不可輕投減等而用蝨蠹再減而用漆灰桃仁未嘗不師金匱千金法也

治漏下神方 取槐子燒末酒服方寸匕日三五瘥

衍義 槐為虛宿之精子能益腎明目用以燒末酒服以清血中之火其効最捷即痔漏下血亦不出

此但稟氣虛寒食少便澇者禁用以其純陰之生長之氣也

治漏下去黑方 乾漆 麻黃 桂心 甘草 芍藥 右五味治下篩以酒服者米飲中服

衍義 漏下去黑明係宿血內滯故用麻黃甘草佐漆灰桂心細辛以破宿血也麻黃即麻實詩為有黃其實是也舊本刊作麻黃亥豕之形似且詳麻黃條下本經雖有破癥堅積聚一語而血滯於裏安有反行激發之理麻實條下本經止言補中益氣以其辛溫潤下故脾約證用之此方亦專取其潤以佐漆灰輩順下之力潤燥相需之妙全賴麻黃一味復何疑乎

治漏下去赤方 白木兩 白薇兩 黃柏兩 右三味治下篩空心酒服方寸七日三

衍義 漏下去赤明係熱淫於內故用黃柏之苦寒白薇之苦鹹以下泄之白木之甘溫以內固之黃柏治五臟腸胃結熱為女子漏下赤白之要藥白薇治產中虛煩嘔逆為傷中淋露之要藥白木治痰濕帶下為散腰臍間血之要藥合三者以治濕熱漏下去赤何慮不直達肯登耶

治漏下去黃方 黃連 大黃 桂心各半 黃芩 塵蟲 乾地黄各六 右六味治下篩空心酒服方寸七日三

衍義 漏下去黃明係脾胃受熱故用三黃而參地黄以滋血塵蟲以破血桂心以鼓三黃之性而行地黃之滯也

治漏下去青方 大黃 黃芩 白薇各半 桂心 牡蠣各六 右五味治下篩空心酒服方寸七日三

衍義 漏下去青明係湯藥過傷肝脾受困而致血不歸經故用大黃黃芩以瀉滌濕熱牡蠣白薇以固傷中淋露桂心鼓舞二黃以破積結之瘀也

治漏下去白方 鹿茸兩 白薇兩 狗脊兩 右三味治下篩空心米飲服方寸七日三

衍義 漏下去白明係下焦虛冷故用鹿茸以溫補督脈狗脊以強筋骨白薇以治陰中腫痛并解風氣百疾之溫蓄為患督脈充筋骨強則氣血有所統禦而無崩漏之虞矣

治女子漏下積年不斷因篤方 取鵲巢重柴燒灰作末服方寸七日三服三十日愈甚良 重巢者去

年在巢中產今年又在上作重巢產者是也

衍義 古人用方多有取義獲効者如此證之困篤不勝湯藥而用鵲重巢灰端取高風不墜而能護

卵生雛之意其後消渴門中及肘後治睡中遺尿咸取用之

馬通湯 治漏下血積月不止方 赤馬通汁并生艾葉 阿膠各三兩 當歸 乾薑各二兩 好黑半兩 右六

味咬咀以水八升酒二升煮取三升去滓內馬通汁及膠微火煎取二升分再服相去如人行十里久

衍義 漏下積月不止非溫熱毒蘊即瘀垢生蟲故用馬通專行滌垢而兼膠艾歸薑和營之品可謂

當矣更取炤燼之餘結成火土而現坎水之象以制離火之災深得同氣相求之妙然非薑艾相需不

無止截之虞每見世醫治吐衄崩漏令人以墨入生地黃汁中服之應手即止向後瘀積日深盈科而

行屢發屢截劫之不應倉扁不能復圖矣然于全治吐血方未嘗不用生地黃也然必兼辛散之劑即

用一味搗汁又須漬之以酒當無阻滯之患矣孰謂先聖之法不能體會其全漫採一二以圖目前僥

倖而遺向後之戒乎

馬蹄屑湯 治白漏不絕方 白馬蹄 赤石脂各五兩 禹餘糧 烏賊骨 龍骨 牡蠣各四兩 附子 乾

地黃 當歸各三兩 甘草二兩 白殭蠶一兩 右十一味咬咀以水二斗煮取九升分六服日三即愈

馬蹄圓 治白漏不絕方 白馬蹄 禹餘糧各四兩 龍骨三兩 烏賊骨 白殭蠶 赤石脂各二兩 右六味

為末蜜丸如梧子大酒服十九丸不知如至三十丸

衍義 夫一病而治分先後不同者隨其勢之緩急也此以馬蹄龍骨餘糧石脂專行固脫烏賊專治

血枯殭蠶專祛風疾全得治本之奠而歸地專和營血又恐烏賊之攻血不逮則以附子鼓之龍骨之

兜瀉不逮乃以牡蠣佐之方中飲散交錯寒熱互用因以甘草和之以其勢緊不得不以湯液為之前

慎火草散 治漏下方又方 慎火草十兩 當歸 鹿茸 阿膠各四兩 龍骨半斤 右五味治下漏先食酒

服方寸七日三
蒲黃散 治漏下不止方 蒲黃半斤 鹿茸 當歸各二 右三味治下篩酒服五分七日三不知稍加

至方寸匕

衍義 並見前

灸法

女人胞漏下血不可禁止灸關元兩傍相去三寸 女人陰中痛引心下及小腹絞痛腹中五寒灸關儀
百壯穴在膝外邊上一寸宛宛中是 女人漏下赤白及血灸足太陰五十壯穴在內踝上三寸足太陰
經內踝上三寸名三陰交 女人漏下赤白月經不調灸交儀三十壯穴在內踝上五寸 女人漏下赤
白灸營池四穴三十壯穴在內踝前後兩邊池中脈上一名陰陽是 女人漏下赤白四肢酸削灸漏陰
三十壯穴在內踝下五分微動脚脈上 女人漏下赤白泄注灸陰陽隨年壯三報穴在足拇趾下屈裏
表頭白肉際是

月經不調第二十一方 二十三首 灸法一首

白聖丸 治婦人月經一月再來或隔月不來或多或少或淋瀝不斷或來而腰腹痛嘔吸不能食心腹痛

或青黃黑色或如水舉體沉重方 白聖 白石脂 牡蠣 禹餘糧 龍骨 細辛 烏賊骨各一兩

當歸 芍藥 黃連 黃芩 乾薑 桂心 人參 瞿麥 石葦 白芷 白薇 附子 甘草

各一兩 蜀椒兩 右二十一味為末蜜丸梧子大空心酒下二十九日三至月候來時日四五服為佳

衍義 見本卷赤白帶下門白聖丸下

桃仁湯 治產後及墮身月來不調或淋瀝不斷斷後復來狀如瀉水四體嘔吸不能食腹中堅痛不可

行動月水或前或後或經月不來舉體沉重惟欲眠臥多思酸物方 桃仁五十 澤蘭 甘草 芎藭

人參各二兩 牛膝 桂心 牡丹皮 當歸各三兩 芍藥 生薑 半夏各四兩 地黃八兩 蒲黃各六 右十四味

吹咀以水二斗煮取六升半分六服

衍義 月經不調雖衝脉受病衝脉緊附厥陰肝經而能統制厥陰者又在中土土旺則木榮土衰則

木敗理固然也方下所言狀如瀉水非土衰不能制水之驗乎多思酸物非肝虛求助於味之驗乎腹

中堅痛非胞宮乾血內滯之驗乎此門諸方除白堊丸惟此方專調土衰木敗方中芎藭芍地專調衝

脉之虛參甘薑半專扶胃氣之衰桃丹蒲澤專疎胞宮之滯桂心牛膝一破堅結一潤血枯枯血潤而

下行無阻堅結散而正氣自調當無前後失期之患矣此後杏仁湯以下十餘方總皆攻血之劑也

杏仁湯 治月經不調或一月再來或兩月三月一來或月前或月後閉塞不通方 杏仁二桃仁一大

黃三水蛭十 蟲蟲各三 右五味吹咀以水六升煮取二升分三服一服當有物隨大小便有所下

多者止之少者勿止盡三服

衍義 此方專主乾血內滯過期不通故以抵當湯加入杏仁散氣之味以駕馭破血諸藥不言抵當

者專歸功於杏仁也

大黃一朴硝湯 治經年月水不利胞中有風冷所致宜下之方 大黃五牛膝各五朴硝二牡丹各五甘草

紫苑各三兩代赭一桃仁一 蟲蟲一水蛭一乾薑一細辛一煨硝各二兩二麻仁一右十四味吹咀

以水一斗五升煮取五升去滓內硝令烱分五服五更為首相去一炊頃自下後將息忌見風

衍義 方以抵當參入二硝薑辛以破胞中風冷尤妙在代赭一味能治鬼疰賊風蠱毒腹中毒邪女

子赤沃漏下皆本經之義但舊本煨硝列作芒硝芒硝與朴硝本是一物何必兩用况胞中風冷非煨

不能散之其餘牛膝牡丹紫苑麻仁甘草皆潤下之佐使耳

茱萸一蟲蟲湯 治久寒月經不利或多或少方 吳茱萸三水蛭一蟲蟲一水蛭一廬蟲一牡丹一生薑一斤

小麥半夏升各一大棗二十枚一桃仁五十枚一人參一牛膝三桂心二甘草半芍藥二右十五味吹咀

以酒一斗水二斗煮取一斗去滓適溫寒一服一升日三不飲酒者以水代之湯欲成乃內諸蟲不耐

樂者飲七合

衍義 前湯專攻胞中風冷積血故須薑辛焯硝此方專治久寒月經不利又須吳茱萸桂心其他生薑以代乾薑麤蟲以佐蝨蛭芍藥以助牡丹半夏以勸蕪桂彼以勢劇非攻不克故用硝黃此以本虛雖攻不應故用人參專扶藥力小麥益肝大棗和脾則又人參輔弼耳

抵當湯 治月經不利腹中滿時自減并男子膀胱滿急方 虎掌作金翼 大黃略 二 桃仁十 水蛭十

右四味以水三升煮取一升盡服之當下惡血為度

衍義 抵當者金匱方中除去蝨蟲而進虎掌也是必風痰襲入於瘀交相助虐為患故去彼取此然

曷不去蝨存蝨尤為穩當虎掌逐風虎杖破血當從翼方為是

七熬圓 治月經不利手足煩熱腹滿默默不欲寤心煩方 大黃一兩 前胡一作柴胡 芒硝各五兩 葶藶各 蜀椒并熟各六銖 生薑 芍藥 茯苓各十銖 杏仁九銖 桃仁枚 蝨蟲熬 水蛭熬 右十二味為末蜜丸梧

子大空腹飲服七丸日三不知加一倍一方有蝨蟲牡丹各二兩于金翼無芍

衍義 七熬之制兼取抵當陷胸之法抵當方中蝨蟲未有不熬而用者大陷胸丸杏仁葶藶皆熬黑

用則專滌垢膩杏仁葶藶可熬則桃仁蜀椒芒硝無不可熬熬則下氣愈疾大黃芍藥前胡生薑皆下

氣之用耳

桃仁散 治月經來繞臍痛上衝心胸往來寒熱類瘧症狀方 桃仁五十枚 麤蟲二十枚 桂心五 茯苓一兩 薏

苡仁 牛膝 代赭略 二 大黃兩 右八味治下篩隔宿勿食溫酒服一錢七日三

衍義 經來繞臍衝痛明係乾血上逆往來寒熱如瘧疾乃是血室受病血屬少陽也方本金匱下瘀

血湯加桂心以破乾血代赭以鎮逆氣牛膝茯苓薏苡以資諸藥潤下之力也

治月經往來腹腫腰痛方 麤蟲四枚 蜀椒 乾薑各六銖 大黃 女青 桂心 芍藥各半兩 右七味治下

篩取一斗圭先食酒服之日三十日微下善養之

治月經往來腹腫腰痛方 麤蟲四枚 蜀椒 乾薑各六銖 大黃 女青 桂心 芍藥各半兩 右七味治下

篩取一斗圭先食酒服之日三十日微下善養之

治月經往來腹腫腰痛方 麤蟲四枚 蜀椒 乾薑各六銖 大黃 女青 桂心 芍藥各半兩 右七味治下

大

衍義

於下瘀血湯中除去桃仁而加椒薑芎桂辛散破結之品兼女青之散血解毒則桃仁可無藉矣

行義

壯丹大黃湯 治月經不調或月前月後或如豆汁腰痛如折兩脚疲脆中風寒下之方 大黃 朴硝各四 牡丹三 桃仁升一 人參 陽起石 茯苓 甘草 水蛭 蝨蟲各二 右十味以水九升煮取三升去滓內朴硝令烱盡分三服相去如一飯頃

行義

專取抵當下血為主加朴硝佐大黃則有推陳致新之功人參得陽起石則有扶陽破陰之勳

陽起石得牡丹則破血之力倍勝茯苓甘草則又人參之助牡丹則桃仁之助也

行義

陽起石湯 治月水不調或前或後或多或少或赤或白方 陽起石 甘草 續斷 乾薑 人參 桂心各二 附子一 赤石脂兩三 伏龍肝兩五 生地黃升一 十味以水一斗煮取三升二合分四服日三夜一

行義

於四逆湯中加陽起石人參則有陽生陰長之功散子藏中之血積伏龍石脂專行固脫地黃續斷專續傷中桂心佐薑附則破寒結兼行地黃之滯也

治婦人憂恚心下支滿膈中伏熱月經不利血氣上搶心欲嘔不可多食懈怠不能動方 大黃 芍藥 蝨蟲各二 土瓜根 蜀椒 黃芩 白木 地骨皮一作乾薑 芎藭各一 桂心 乾漆各一 右

行義

十二味為末蜜丸梧子大每服十九日三不知加之于全翼有炭皮名炭皮丸

行義

於椒薑末桂辛烈劑中而兼大黃黃芩芍藥骨皮以泄旺氣乾漆蝨蟲芎藭土瓜根以破宿血標本兼得之治也

牛膝圓 治產後月水往來乍多乍少仍復不通時時疼痛小腹裏急下引腰身重方 牛膝 芍藥 人參 大黃各三 牡丹皮 甘草 當歸 芎藭各二 桂心 兩蝨蟲 蟻螬 蜚蠊各四 蝨蟲 水蛭 各七

行義

右十四味為末蜜丸梧子大酒服五九日三不知稍增 此方於大黃蝨蟲丸中採取蝨螬蟻螬大黃芍藥甘草七味加入蜚蠊牛膝丹桂芎歸人參七味較大黃蝨蟲丸中乾漆地黃黃芩芍藥桂心之力倍發總由百方皆預方中參入芎藭人參蝨螬蟻螬

破血之力... 右十四... 破血之...

又方 鹿角末服之良

衍義 鹿角專行督脉為腎藏之外垣外垣堅緝可無五液注下之虞矣

又方 生地黄汁三升煮取二升服之○又方 飲人乳汁三合善○又方 燒月經衣并花水服之

衍義 即以其人之道還治其人之身此方得之

又方 燒白狗屎焦為末酒服方寸匕日三○又方 取白馬屎服一升良

治月經不斷方 船茹一斤淨洗河水四升半煮取二升分二服

衍義 石灰黃麻並能散瘀止血且為船茹歲久性純用以填塞罅漏不特取義兼得二物之性也

又方 服地黃酒良

衍義 地黃寒滯得酒之溫散可無膩阻止截之患

又方 服大豆酒佳

衍義 即大豆紫湯衍義見四卷中風門

又方 燒箕舌灰酒服之○又方 灸內踝下白肉際青脈上隨年壯

孫真人備急千金要方卷四終

千金要方卷四終

十七

少小嬰孺方上凡五類

序例第一 論三首 擇乳母法 方二首

論曰夫生民之道莫不以養小為大若無於小卒不成大故易稱積小以成大詩有厥初生民傳曰聲子
 生隱公此之一義即是從微至著自少及長人情共見不待經史故今斯方先婦人小兒而後丈夫耆老
 者則是崇本之義也然小兒氣熱微弱醫士欲留心救療立功差難今之學者多不存意良由嬰兒在於
 襁褓之內乳氣腥燥醫者操行英雄詎肯瞻視靜言思之可為太息者矣小品方云凡人年六歲已上為
 小十六歲已上為少巢源外台作十八已上為壯三十已上為壯巢源外台作二十五已上為老其六歲已下經所不
 載所以乳下嬰兒有病難治者皆為無所承據也中古有巫妨巢源作巫方者立小兒顛顛經以占天壽判疾
 病死生世相傳授始有小兒方焉逮於晉宋江左推諸蘇家傳習有驗流於人間齊有徐王者亦有小兒
 方三卷故今之學者頗得傳授然徐氏位望隆重何暇留心於少小詳其方意不甚深細少有可採未為
 至秘今博採諸家及自經用有効者以為此篇凡百居家皆宜達茲養小之術則無橫天之禍也 又曰
 小兒病與大人不殊惟用藥有多少為異其驚癩客忤解顛不行等八九篇合為此卷下痢等餘方並散
 在諸篇可披而得之 凡生後六十日瞳子成能咳笑應和人百日任脉成能自反覆一作百八十日
 尻骨成能獨坐二百一十日膝骨成能行此其定法若不能依期必有不平之處 凡兒生三十二日一
 變六十四日再變變且蒸九十六日三變一百二十八日四變變且蒸一百六十日五變一百九十二日
 六變變且蒸二百二十四日七變二百五十六日八變變且蒸二百八十八日九變三百二十日十變變
 且蒸積三百二十日小蒸畢後六十四日大蒸蒸後六十四日後大蒸蒸後一百二十八日復大蒸凡小
 兒自生三十二日一變再變為一蒸凡十變而五小蒸又三大蒸積五百七十六日大小蒸都畢乃成人

卷五

小兒所以變蒸者是榮其血脉改其五臟故一變竟輒覺情態有異其變蒸之後變者上氣蒸者體熱變蒸有輕重其輕者體熱而微驚耳冷尻冷上脣頭白泡起如魚目珠子微汗出其重者體壯熱而脉亂或汗或不汗不欲食食輒吐喎目白精微赤黑精微白又云目白者重赤黑者微變蒸畢自精明矣此其證也單變小微兼蒸小劇凡蒸平者五日而衰遠者十日而衰先期五日後之五日為十日之中熱乃除耳兒生三十二日一變二十九日先期而熱便治之如法至三十六七日蒸乃畢耳恐不解子故重說之且變蒸之時不欲驚動勿令傍多人兒變蒸或早或晚不如法者多又初變之時或熱甚者違日數不嚴審計變蒸之日當其時有熱微驚慎不可治及炙刺但和視之若良久熱不可已少與紫丸微下日歇便止若於變蒸之中加以時行溫病或非變蒸時而得時行者其證皆相似惟耳及尻通熱口上無白泡耳當先服黑散以發其汗汗出溫粉粉之熱當歇便就瘥若猶不除乃與紫丸下之兒變蒸時若有寒加之即寒熱交爭腰腹大糞啼不止者髮之則愈也髮法出下篇矣粉絮髮者是變蒸與溫壯傷寒相似若非變蒸身熱耳熱尻亦熱此乃為他病可作餘治審是變蒸不得為餘治也 又一法凡兒生三十二日始變者身熱也至六十四日再變變且蒸其狀卧端正也至九十六日三變定者候丹孔出而泄至一百二十八日四變變且蒸以能効笑也至一百六十日五變以成機關也至一百九十二日六變變且蒸五機成也至二百二十四日七變以能匍匐也至二百五十六日八變變且蒸以知欲學語也至二百八十八日九變以亭亭然也凡小兒生至二百八十八日九變四蒸也當其變之日慎不可妄治之則加其疾變且蒸者是兒逆迎月也蒸者甚熱而脉亂汗出是也近者五日歇遠者八九日歇也當是蒸上不可炙刺妄治之也

紫圓 治小兒變蒸發熱不解并挾傷寒溫壯汗後熱不歇及腹中有痰癖哺乳不進乳則吐喎食糲先

寒後熱方 赤石脂 代赭 略一巴豆 枚三十 杏仁 枚五十 右四味為末巴豆杏仁別研為膏相和更搗

二千杵當自相得若硬入少蜜同搗之蜜器中收三十日兒服如麻子一丸與少乳汁令下食頃後與

少乳勿令多至日中當小下熱除若未全除明旦更與一丸百日兒服如小豆一丸以此準量增減夏

月多熱善令發疹二三十日輒一服佳紫圓無所不療雖下不虛人

行義

初生變蒸雖所稟不足而於不足之中必有痰癖內結所以蒸發寒熱紫圓一方藥品頗峻而

用法最緩設慮其峻而因循不即下手即將來乳哺日溫為痰有增無減為驚為癩靡不由此方以石

脂溫養心脾代赭除腹中邪氣杏仁下氣散寒熱雖用巴豆蕩練臟腑以二石護持中土故叮嚀致再

服之無傷允為防微杜漸之的方瀉中寓補之捷法也一其後驚癩門論中有云四味紫丸逐癖飲最

良去病速而不虛人赤丸差缺病重者當用之 林億云方中並無赤丸次後癖結脹滿篇中雙紫丸

內有硃砂色當赤又力緊於紫丸疑此即赤丸也 按金匱腹滿寒疝宿食篇中有赤丸方用茯苓半

夏烏頭細辛蜜丸真硃為色千金不用細辛作人參專治寒氣厥逆以中有半夏烏頭之反激且有真

硃之蕩癖未嘗不散寒積也

異散

治小兒變蒸中挾時行溫病或非在蒸時而得行時者方 麻黃 杏仁各半 大黃枚 右三味

先搗麻黃大黃為散別研杏仁如脂乃細細內散又搗令調和內密器中一月兒服小豆大一枚以乳

汁和服抱令得汗汗出溫粉粉之勿使見風百日兒服如棗核以兒大小量之

衍義

於變蒸之中復挾時行邪氣非急為開提中外何以保全萬一方中大黃蕩滌內結用麻黃開

發表邪杏仁疎利逆氣益大黃原有安和五臟之功麻黃兼有破除癥堅之力杏仁交通中外乃麻黃

湯之變方守真通聖雙解從此悟出

擇乳母法

凡乳母者發血氣為乳汁也五情善惡悉是血氣所生也其乳兒者皆宜慎於喜怒夫乳母形色所宜其

候甚多不可全備但取不胡臭癭腫氣咳癆疥癩癰白禿癰瘍瀉唇耳聾聾莫癩癩無此等疾者便可飲

兒也師見其故灸癩便知其先疾之源也

初生出腹第二

論三首 凡十二事 壽夭法

卷五

二

論曰小兒初生先以綿裹指拭兒口中及舌上青泥惡血此為之玉衡街一作若不急拭啼聲一發即入腹成百病矣兒生落地不作聲者此由難產少氣故也可取兒臍帶向身却將之令氣入腹仍呵之至百度啼聲自發亦可以葱白徐徐鞭之即啼兒已生即當舉之舉之遲晚則令中寒腹內雷鳴乃先浴之然後斷臍不得以刀子割之須令人隔單衣物咬斷兼以暖氣呵七遍然後纏結所留臍帶令至兒足跌上短則中寒令兒腹中不調常下痢若先斷臍然後浴者則臍中水臍中水則發腹痛其臍斷訖連臍帶中多有蟲宜急剔撥去之不爾入兒腹成疾斷兒臍者當令長六寸長則傷肌短則傷臟不以時斷若授汁不盡則令暖氣漸微自生寒令兒臍風生男宜用其父舊衣裹之生女宜以其母故衣皆勿用新帛為善不可令衣過厚令兒傷皮膚害血脈發雜瘡而黃兒衣綿帛特忌厚熱慎之慎之凡小兒始生肌膚未成不可煖衣煖衣則令筋骨緩弱宜時見風日若都不見風則令肌膚脆軟便易中傷皆當以故絮衣之勿用新綿也凡天和暖無風之時令母將兒於日中嬉戲數見風日則血凝氣剛肌肉牢密堪耐風寒不致疾病若常藏在帷帳之中重衣溫暖譬猶陰地之草木不見風日輒脆不堪風寒也凡裹臍法推治白練令柔軟方四寸新綿厚半寸與帛等合之調其緩急急則令兒吐哕兒生二十日乃解視臍若十許日兒怒啼似衣中有刺者此或臍燥遠刺其腹當解之易衣更裏臍時閉戶下帳燃火令帳中溫暖換衣亦然仍以溫粉粉之此謂冬時寒也若臍不愈燒絳帛末粉之若過一月臍有汁不愈燒蝦蟆灰粉之日三四次若臍中水及中冷則令兒腹絞痛天乳啼呼面目青黑此是中水之過當炙粉絮以慰之不時治護臍至腫者當隨輕重者便灸之乃可至八九十壯輕者臍不大腫但出汁時時啼呼者搗當歸末和胡粉傅之炙絮日熨之至百日愈以啼呼止為候若兒糞青者寒也與臍中水同兒洗浴斷臍竟褫抱畢未可與朱蜜宜與甘草湯以甘草如手中指一節許打碎以水二合煮取一合以綿纏沾取與兒吮之連吮汁計得一蜺壳入腹止兒當快吐去心胸中惡汁也如得吐餘藥更不須與若不得吐可消息計如飢渴

頻更更與之若前所服及更與並不得吐者但稍稍與之令盡此一合止如得吐去惡汁令兒心神知慧

無病也飲一合盡都不吐者是兒不含惡血耳勿復與甘草湯乃可與朱蜜以鎮心神安魂魄也兒新生
三日中與朱蜜者不宜多多則令兒脾胃冷腹脹喜陰癩氣急變哮喘而死新生與朱蜜法以飛鍊硃砂
如大豆許以赤蜜一規殼和之以綿纏筋頭沾取與兒吮之得三沾止一日令盡此一豆許可三日與之
則用三豆許也勿過此則傷兒也與朱蜜竟可與牛黃如朱蜜多少也牛黃益肝胆除熱定精神止驚辟
惡氣除小兒百病也新生三日後應開腸胃助穀神可研米作厚飲如乳酪厚薄以豆大與兒咽之頗咽
三豆許止日三與之滿七日可與哺也兒生十日始哺如棗核二十日倍之五十日如彈丸百日如棗若
乳汁少不得從此法當用意小增之若三十日而哺者令兒無疾兒哺早者兒不勝穀氣令生病頭面身
體喜生瘡愈而復發令兒危弱難養三十日後雖哺勿多若不嗜食勿強與之強與之不消復生疾病哺
乳不進者腹中有痰癖也當以四物紫丸微下節哺乳數日便自愈小兒微寒熱亦當爾利之要當下之
然後乃瘥凡乳兒不欲太飽飽則嘔吐每候兒吐者乳太飽也以空乳乳之即消日四乳兒若臍未愈乳
兒太飽令風中臍也夏不去熱乳令兒嘔逆冬不去寒乳令兒效痢母新房以乳兒令兒羸瘦交脛不能
行母有熱以乳兒令變黃不能食母怒以乳兒令善驚發氣疝又令上氣癲狂母新吐下以乳兒令虛羸
母醉以乳兒令身熱腹滿凡新生小兒一月內常飲猪乳大佳凡乳母乳兒當先極授散其熱氣勿令汁
奔出令兒噎輒奪其乳令得息息已復乳之如是十返五返視兒飢飽節度知一日中幾乳而足以為常
又常捉去宿乳兒若臥乳母當以臂枕之令乳與兒頭平乃乳之令兒勿噎母欲寤則奪其乳恐填口鼻
又不知飢飽也浴兒法凡浴小兒湯極須令冷熱調和冷熱失所令兒驚亦致五臟之疾也凡兒冬不可
久浴浴久則傷寒夏不可久浴浴久則傷熱數浴背冷則發癩若不浴又令兒毛落新生浴兒者以猪膽
一枚取汁投湯中以浴兒終身不患瘡疥勿以雜水浴之兒生三日宜用桃根湯浴桃根梅根李根各二
三枝咬咀以水三斗煮取二十沸去滓浴兒良去不祥令兒終身無瘡疥治小兒驚辟惡氣以金虎湯浴
父一觔虎頭骨一枚以水三斗煮為湯浴但須浴則煮浴之凡小兒初出腹有鵝口者其舌上有白屑如

朱刺者鼻中亦有之此由兒在胞胎中受穀氣盛故也或妊娠時嗜糯米使之然治之之法以髮纏筋頭沾并花水撩拭之三日如此便脫去如不脫可煮粟苳汁令濃以綿纏筋頭拭之若春夏無粟苳可煮粟木皮如用并花水法小兒初出腹有連舌舌下有膜如石榴子中隔連其舌下後喜令兒言語不發不轉也可以爪摘斷之微有血出無害若血出不止可燒髮灰傅之血便止也小兒出腹六七日後其血氣收斂成肉則口舌喉頰裏清淨也若喉裏舌上有物如蘆穉盛水狀者若懸癰有脹起者可以綿纏長鍼留刃處如粟米許大以刺決之令氣泄去青黃赤血汁也一刺之止消息一日未消者來日又刺之不過三刺自消盡餘小小未消三刺亦止自然得消也有著舌下如此者名重舌有著頰裏及上脛如此者名重脛有著齒斷上者名重斷皆刺去血汁也小兒生輒死治之法當候視兒口中懸癰前上脛有泡者以指摘取頭決令潰去血勿令血入咽入咽殺兒急急慎之小兒初出腹骨肉未斂肌肉猶是血也血凝乃堅成肌肉耳其血沮敗不成肌肉則使面自繞鼻口左右悉黃而啼閉目聚口撮面口中乾燥四肢不能伸縮者皆是血脉不斂也喜不膏若有如此者皆宜與龍膽湯也方出本卷驚癇篇

相兒壽夭法

兒初生叫聲連延相屬者壽 聲絕而復揚急者不壽 啼聲散不成人 啼聲深不成人 臍中無血

者好 臍中小者不壽 通身軟弱如無骨者不壽 鮮白長大者壽 自開目者不成人 目視不正

數動者大非佳 汗血者多厄不壽 汗不流不成人 小便凝如脂膏不成人 頭四破不成人 常

搖手足者不成人 早坐早行早齒早語皆惡性非佳人 頭毛不周匝者不成人 髮稀少者強不聽

人不聽 額上有旋毛早貴妨父母 兒生枕骨不成者能言而死 尻骨不成者能偃而死 掌骨不成

者能匍匐而死 踵骨不成能行而死 臍骨不成者能立而死 身不收者死 魚口者死 股間無

生肉者死 頤下破者死 陰不起者死 陰囊下白者死赤者亦死 卵縫通達黑者死

論曰兒三歲已上十歲已下視其性氣高下即可知其夭壽大略兒小時識悟通敏過人者多夭大則項

索難回之流是也小兒驚風成疳積運轉過急發熱人精神困倦老書其子安人驚風每近此病
即楊修孔融之徒是也由此觀之天壽大略可知也亦猶梅花早發不觀歲寒甘菊晚成終於年事是知
晚成者壽之兆也

驚癇第三 論三首 方十三首 灸法二十六首

論曰少小所以有癇病及瘳病皆由臟氣不平故也新生即癇者是其五臟不收斂血氣不聚五臟不流
骨怯不成也多不全育其一月四十日已上至期歲而癇者亦由乳養失理血氣不和風邪所中也病先
身熱掣癇驚啼叫喚而後發癇脈浮者為陽癇病在六腑外在肌膚猶易治也病先身冷不驚掣不啼呼
而病發時脈沉者為陰癇病在五臟內在骨髓極難治也病發身軟時醒者謂之癇也身強直反張如弓
不時醒者謂之瘳也諸反張大人脊下容側手小兒容三指者不可復治也凡脈浮之與沉以判其病在
陰陽表裏耳其浮沉復有大小滑澀虛實遲駛諸證各依脈形為治神農本草經說小兒驚癇有一百二
十種其證候微異於常便是癇疾也初出腹血脈不斂五臟未成稍將養失宜即為病也時不成人其經
變蒸之後有病餘證並寬惟中風最暴卒也小兒四肢不好驚掣氣息小異欲作癇及變蒸日滿不解者
並宜與龍胆湯凡小兒之癇有三種有風癇有驚癇有食癇然風癇驚癇時有之十兒之中未有一二
是風驚者凡是先寒後熱發者皆是食癇也驚癇皆按圖灸之風癇當與猪心湯食癇當下乃與紫丸佳
凡小兒所以得風癇者緣衣暖汗出風因入也風癇者初得之時先屈指如數乃發作者此風癇也驚癇
者起於驚怖大啼乃發作者此驚癇也驚癇微者急持之勿復更驚之或自止也其先不哺乳吐而變
熱後發癇者此食癇早下則瀝四味紫丸逐癖飲最良去病速而不虛人赤丸差駛方中本無赤丸詳後
癇結脈滿第一方篇
雙紫丸用硃砂色當赤疑即赤丸也病重者當用之凡小兒不能乳哺當與紫丸下之小兒始生生氣尚盛但有微惡則須
下之必無所損及其愈病則致深益若不時下則成大疾疾成則難治矣凡下四味紫丸最善雖下不損
人足以去疾若四味紫丸不得下者當以赤丸下之赤丸不下當倍之若已下而有餘熱不盡當按方作

龍胆湯稍稍服之并摩赤膏方見本風瀰亦當下之然當以猪心湯下之驚瀰但按圖灸之及摩生膏見

本篇不可大下也何者驚瀰心氣不定一作下之內虛益令甚爾驚瀰甚者持為難治故養小兒常慎驚

勿令聞大聲抱持之間當按徐勿令驚怖又天雷時當塞兒耳并作餘細聲以亂之也凡養小兒皆微驚

以長其血脉但不欲大驚大驚乃灸驚脉若五六十日灸者驚復更甚生百日後灸驚脉乃善兒有熱不

欲哺乳臥不安又數驚此瀰之初也服紫丸便愈不愈復與之兒眠時小驚者一月輒一以紫丸下之減

其盛氣令兒不病瀰也兒立夏後有病治之慎勿妄灸不欲吐下但以除熱湯浴之除熱散粉之除熱湯

篇陽寒除熱赤膏摩之又以膏塗臍中令兒在涼處勿禁水漿常以新水飲之小兒衣甚薄則腹中乳食

下消不消則大便皆醋臭此欲為癖之漸也便將紫丸以微消之服法先從小起常令大便稀勿大下也

稀後便漸減之不醋臭乃止藥也太凡小兒冬月下無所畏夏月下難瘥然有病者不可不下下後腹中

當小脹滿故當即哺乳數日不可妄下又乳哺小兒當令多少有常劑兒漸大當小小增之若減少者此

腹中已有小不調也便微服藥勿復哺之但當與乳甚者十數日微者五六日止哺自當如常若都不肯

食哺而但欲乳者此是有癖為疾重要當下之不可不下不下則致寒熱或吐而發瀰或更致下痢此皆

病重不早下之所為也此即難治矣但先治其輕時兒不耗損而病可速愈凡小兒尿黃而臭者此腹中

有伏熱宜微將服龍膽湯若白而醋臭者此挾宿食不消也當服紫丸微者少與藥令內消甚者小增藥

令小下皆復節乳哺數日令胃氣平和若不節乳哺則病易復復下之則傷其胃氣令腹脹滿再三下之

尚可過則傷矣凡小兒有癖其脉大必發瀰此為食癖下之便愈當審候掌中與三指脉不可令起而不

時下致於發瀰則難瘥矣若早下之此脉終不起也脉在掌中尚可早瘥若至指則病增矣凡小兒腹中

有疾生則身寒熱寒熱則血脉動動則心不定心不定則易驚驚則瀰發速也

候瀰法

夫瀰小兒之惡病也或有不求醫而致困者也然氣發於內必先有候常宜審察其精神而擇其候也

手白肉魚際脉黑者是癩候魚際脉赤者熱 脉青大者寒脉青細者為平也 鼻口乾燥大小便不利是癩候 眼不明上視喜陽是癩候 耳後完骨上有青絡盛卧不靜是癩候青脉刺之令血出也

小兒髮逆上啼笑面暗色不變是癩候 鼻口青時小驚是癩候 目閉青時小驚是癩候 身熱頭常汗出是癩候 身熱吐喎而喘是癩候 身熱目時直視是癩候 喜欠目上視是癩候 身熱目視不精是癩候 目瞳子卒大黑於常是癩候 臥惕惕而驚手足振搖是癩候 臥夢笑手足動搖是癩候

意氣下而妄怒是癩候 咽乳不利是癩候 身熱小便難是癩候 吐痢不止厥痛時起是癩候 弄舌搖頭是癩候 已上諸候二十餘條皆癩之初也見其候便示其陽脉所應灸之皆重手令兒驟啼及足絕脉亦依方與湯直視瞳子動腹滿轉鳴下血身熱口噤不得乳反張脊強汗出發熱為臥不悟手足掣癡善驚凡八條癩之極者也如有此非復湯爪所能救便當時灸之

論曰若病家始發便來詣師師可診候所解為法作次序治之以其節度首尾取瘥也病家已經雜治無次序不能制病病則變異其本候後師便不知其前證虛實直依其後證作治亦不得瘥要應精問察之為前師所配依取其前蹤跡以為治乃無逆耳前師處湯本應數劑乃瘥而病家服一兩劑未効便謂不驗以後更問他師師不尋前人為治寒温次序而更為治而不次前師治則藥也或前已下之後須平和療以接之而得瘥也或前人未下之或不去者或前治寒温失度後人應調治之是謂治敗病皆須選射之然後免耳不依次第及不審察必及重藥也

龍膽湯 治嬰兒出腹血脉盛實寒熱温壯四肢驚掣發熱大吐喎者若能進哺中食實不消壯熱及變蒸不解中客人鬼氣并諸驚癩方悉主之十歲已下小兒皆服之小兒龍胆湯第一此是新出腹嬰

兒方若日月長大者以次依此為例若必知客忤及有魘氣者可加人參當歸各如龍膽多少也一百日兒加三銖二百日兒加六銖一歲兒加半兩餘約皆準耳 龍膽 鈎藤皮 柴胡 黃芩 桔梗

芍藥 茯苓 茯神 甘草 錄 六 蠅 螂 枝 大 黃 兩 右十味咬咀以水一升煮取五合為劑也服之如後

...

...

...

用鈎藤為嚮導也

增損續命湯 治小兒卒中風惡毒及久風四肢角弓反張不隨并躄曳僻不能行步方 麻黃 甘草

桂心各一兩 芎藭 葛根 升麻 當歸 獨活各八銖 人參 黃芩 石膏各半兩 杏仁三十枚 右十二

味咬咀以水六升煮麻黃去上沫乃納諸藥煮取一升二合三歲兒分為四服一日令盡少取汗得汗以粉粉之

衍義 小兒卒中風惡毒角弓反張皆腠理疎豁致病故於續命本方增入升葛獨活佐麻黃以祛賊

風黃芩佐石膏以解風熱小兒本無內虛故損去乾薑之辛烈不使真陰受困耳

石膏湯 治小兒中風惡毒不能語口眼了戾四肢不隨方 石膏兩 麻黃八銖 甘草 射干 桂心 芍

藥 當歸各四銖 細辛銖 右八味咬咀以水三升半先煮麻黃三沸去上沫內餘藥煮取一升三歲兒

分四服日三

衍義 此即排風湯之變方於中裁去芎藭杏仁茯苓白朮防風獨活白鮮生姜加入石膏細辛射干

較排風湯頭緒清然排風本諸續命原有石膏以小兒本非虛寒致病人參乾薑似可無藉但石膏

湯中射干當心因腹中邪逆或兼喉痺咽痛而設若無上證何復用此寒降之品也

治少小中風狀如欲絕湯方 大黃 牡蠣 龍骨 括婁 甘草 桂心各二銖 赤石脂 寒水石各六銖

右八味咬咀以水一升內藥重半兩煮再沸絞去滓半歲兒服如雞子大一枚大兒盡服入口中即

愈汗出粉之藥無毒可每日二服有熱加大黃不汗加麻黃無寒水石朴硝代之

衍義 此即風引湯之變方金匱本治大人風引小兒驚癇立方命名專在引風內泄故用大黃甘草

寒水石杜風復入故用龍骨牡蠣赤石脂于金取治小兒中風雖風虛燥熱狀如欲絕然不致擾亂血

脉故於本方除去四石僅留赤石脂寒水石以杜風潤燥并進括婁根而退乾薑單取桂心一味為反

譟其間淺深權度可默識矣

二物石膏湯 治少小中風手足拘急方 石膏如雞子大一枚碎 真珠兩 右以水二升煮石膏五六沸內真

驚癇癩癩大人癩疾狂陽取其力破痰血也甘草為和中解毒專藥本經治五臟六腑寒熱疝氣取其調和諸藥也合諸性味參之則永不復發之功可想望矣

鎮心圓 治小兒驚癇百病鎮心氣方 銀屑十一 水銀二十 牛黃六 大黃六 茯苓三 茯神三 遠志 防

己 白薇 雄黃 人參 芍藥各二 紫石英 真珠 防葵 鐵精各四 右十六味先以水銀和

銀屑如泥別治諸藥和丸二歲兒如麻子二丸隨兒大小增之 一方無牛黃

衍義 鎮心而用銀屑水銀鐵精雄黃石英真珠以鎮其怯大黃牛黃以滌其痰茯苓茯神以安其神

防已防葵以破其結芍藥白薇以收其散人參遠志以發其靈靈隧利而神識清何慮驚痰之不渙散

乎

丹參赤膏 治少小心腹熱除熱方 丹參 雷丸 芒硝 戎鹽 大黃各二 右五味咬咀以苦酒

半升浸四鍾一宿以成鍊猪肋一斤煎三上三下去滓乃內芒硝膏成以摩心下冬夏可用 一方但

用丹參雷丸亦佳

衍義 小兒心腹常熱皆母腹中痰垢未清血氣不和所致故用丹參雷丸硝黃戎鹽散血逐熱之藥

製為赤膏常摩心下使痰散血和其熱自除漬用苦酒專取峻收以固腠理煎用猪肋專取脂澤以潤

肌膚也

五物甘草生摩膏 治少小新生肌膚幼弱喜為風邪所中身體壯熱或中大風手足驚掣方 甘草

防風各一 白朮 桔梗各十 雷丸二 右五味咬咀以不中水猪肋一斤煎為膏以前藥微火上煎

消息視稠濁膏成去滓取如彈丸大一枚炙手以摩兒百遍寒者更熱者更寒小兒雖無病早起常

以膏摩顙上及手足心甚辟風寒

衍義 生摩膏摩兒顙門手足以拒風寒僅用前方中雷丸一味入於防風白朮甘草桔梗劑中以實

皮腠肌肉故但取猪肋熬膏無藉苦酒之峻收也炙手時摩不特可以杜風并杜驚掣之患此與赤膏

皆外治之良法耳

灸法

論曰小兒新生無疾慎不可逆鍼灸之如逆鍼灸則忍痛動其五脉因喜成病河洛關中土地多寒兒善病
 痙其生兒三日多逆灸以防之又灸頰以防噤有噤者舌下脉急牙車筋急其土地寒皆決舌下去血灸
 急以防噤也吳蜀地温無此疾也古方既傳之令人不詳南北之殊便按方而用之是以多害於小兒也
 所以田舍小兒任其自然皆得無有天橫也小兒驚啼眠中四肢掣動變蒸未解慎不可鍼灸爪之動其
 百脉仍因驚成痙也惟陰痙噤痙可鍼灸爪之凡灸痙當先下兒使虛乃承虛灸之未下有實而灸者氣
 逼前後不通殺人痙發平旦者在足少陽晨朝發者在足厥陰日中發者在足太陽黄昏發者在足太陰
 人定發者在足陽明夜半發者在足少陰 右痙發時病所在視其發早晚灸其所也

夫痙有五臟之痙六畜之痙或在四肢或在腹內當審其候隨病所在灸之雖少必瘥若失其要則為害
 也肝痙之為病面青目反視手足搖灸足少陽厥陰各三壯 心痙之為病面赤心下有熱短氣息微數
 灸心下第二肋端宛宛中此為巨關又灸手心主及少陰各三壯 脾痙之為病面黃腹大喜劇灸胃管
 三壯俠胃管傍灸二壯足陽明太陰各二壯 肺痙之為病面目白口沫出灸肺輪三壯又灸手陽明太
 陰各二壯 腎痙之為病面黑正直視不搖如尸狀灸心下二寸二分三壯又灸肘中動脉各二壯又灸
 足太陽少陰各二壯 膈痙之為病目反四肢不舉灸風府又灸頂上鼻人中下脣承漿皆隨年壯 腸
 痙之為病不動搖灸兩承山穴灸足心兩手勞宮又灸兩耳後完骨各隨年壯又灸臍中五十壯 右耳
 臟痙證候

馬痙之為病張口搖頭馬鳴欲反折灸頂風府臍中三壯病在腹中燒馬蹄末服之良 牛痙之為病目
 正直視腹脹灸鳩尾骨及大椎各三壯燒牛蹄末服之良 羊痙之為病喜揚目吐舌灸大椎上三壯
 猪痙之為病吐沫灸完骨各一寸七壯

灸肋戶一壯 雞癩之為病擗頭反折喜驚自搖灸足諸陽各三壯 右六畜癩候

小兒暴癩灸兩乳頭女兒乳下二分 治小兒暴癩者身體正直如死人及腹中雷鳴灸太倉及臍中上下兩傍各一寸凡六處又灸當腹度取背以繩繞頸下至臍中竭便轉繩向背順脊下行盡繩頭灸兩傍各一寸五壯 若面白喘聲色不變灸足陽明太陰 若目反上視眸子動當灸顛中取之法橫度口盡兩吻際又橫度鼻下亦盡兩邊折去鼻度半都合口為度從額上髮際上行度之灸度頭一處正在顛上未合骨中隨手動者是此最要處也次灸當額上入髮二分許直望鼻為正次灸其兩邊當目瞳子直上入髮際二分許次灸項上迴毛中次灸客主人穴在眉後際動脈是次灸兩耳門當耳開口則骨解開動張隘是也次灸兩耳上捲耳取之當捲耳上頭是也一法大人當耳上橫三指小兒各自取其指也次灸兩耳後完骨上青脈亦可以鍼刺令血出次灸玉枕項後高骨是也次灸兩風池在項後兩轅動肋外髮際隘中是也次灸風府當項中央髮際亦可與風池三處高下相等次灸頭兩角兩角當迴毛兩邊起骨是也 右頭部凡十九處兒生十日可灸三壯三十日可灸五壯五十日可灸七壯病重者具灸之輕者灸顛中風池玉枕也艾使熟炷令平正著肉火勢乃至病所也艾若生炷不平正不著肉徒灸多炷故無益也

若腹滿短氣轉鳴灸肺募在兩乳上第二肋間宛宛中懸繩取之當瞳子是次灸臍中次灸胸腔次灸臍中次灸薛息薛息在兩乳下第一肋間宛宛中是也次灸巨闕大人去鳩尾下一寸小兒去臍作六分分之去鳩尾下一寸是也并灸兩邊次灸胃管次灸金門在穀道前囊後當中央是也從陰囊下度至大孔前中分之 右腹部十一處胸腔巨闕胃管十日兒可灸三壯一月已上可五壯陰下縫中可三壯或云隨年壯

若身強反張灸大椎并灸諸藏輸及督脊上當中從大椎度至窮骨中屈更從大椎度之灸度下頭是督脊也 右背部十二處十日兒可灸三壯一月已上可灸五壯

若手足掣癡驚者灸尺澤次灸陽明次灸少商次灸勞宮次灸心主次灸合谷次灸三關次灸少陽 右

手部十六處其要者陽明少商心主尺澤合谷少陽也壯數如上 又灸伏兔次灸三里次灸腓腸次灸鹿溪次灸陽明次灸少陽次灸然谷 右足部十四處皆要可灸壯數如上

手足陽明謂人四指凡小兒驚癇皆灸之若風病大動手足掣癡者盡灸手足十指端又灸本節後

客忤第四 論二首 灸法一首 方二十七首

論曰少小所以有客忤病者是外人來氣息忤之一名中人是為客忤也雖是家人或別房異戶雖是乳母及父母或從外還衣服經履鬼神粗惡暴氣或牛馬之氣皆為忤也熱作喘息乳氣未定者皆為客忤其乳母過醉及房勞喘後乳兒最劇能殺兒也不可不慎凡諸乘馬行得馬汗氣臭未盥洗易衣裝便向兒邊令兒中馬客忤兒卒見馬來及聞馬鳴驚及馬上衣物馬氣皆令小兒中馬客忤慎護之特重一歲兒也凡小兒衣布帛綿中不得有頭髮腹中亦爾白衣青帶青衣白帶皆令中忤凡非常人及諸物從外來亦能驚小兒致病欲防之法諸有從外來人凡有異物入戶當將兒避之勿令見也若不避者燒牛屎令常有烟氣置戶前則善 小兒中客為病者無時不有此病也而秋初一切小兒皆病者豈是一切小兒悉中客邪夫小兒所以春冬少病秋夏多病者秋夏小兒陽氣在外血脉嫩弱秋初夏末晨夕時有暴冷小兒嫩弱其外則易傷暴冷折其陽陽結則壯熱胃冷則下痢是故夏末秋初小兒多壯熱而下痢未必皆得是中客及魘也若治少小法夏末秋初常宜候天氣溫涼也有暴寒卒冷者其少小則多患壯熱而下痢也慎不可先下之皆先殺毒後下之耳玄中記云天下有女鳥名曰姑獲附後子母秘錄作鳥獲一名天帝女一名隱飛鳥一名夜行遊女又名釣星鬼喜以陰雨夜過飛鳴徘徊人村里喚得來者是也鳥淳雖無雄不產陰氣毒化生喜落毛羽於人中庭置兒衣中便令兒作癩病必死即化為其兒也是以小兒生至十歲衣被不可露也七月九日

易其候似癩但眼不上挿耳其脉急數者是也宜與龍膽湯下之加人參當歸各如龍膽秤分等多少也
小兒中客急視其口中懸癰左右當有青黑腫脈核如麻豆大或赤或白或青如此便宜用針速刺漬去
之亦可爪摘決之并以綿纏釵頭拭去血也少小中客之為病吐下青黃赤白汁腹中痛及反倒偃側喘
似癩狀但目不上挿少睡耳面變五色其脉弦急若失時不治小久則難治矣

治療之方 用鼓數合水拌令濕搗熟丸如雞子大以摩兒顙及手足心各五六遍畢以丸摩兒心及臍
上下行轉摩之食頃破視其中當有細毛即擲丸道中痛即止

治少小中客忤項強欲死方 取衣中白魚十枚為末以傅母乳頭上令兒飲之入咽立愈 一方二枚
著兒母手掩兒臍中兒吐下愈亦以摩兒項及脊強處○又方 吞麝香大豆許立愈

治小兒卒中忤方 剪取驢前膊脚上旋毛大如彈子以乳汁煎之令毛消藥成著乳頭飲之下喉即愈
○又方 燒母衣帶三寸并髮合乳汁服之○又方 取牛鼻津服之或牛口沫傅乳頭飲之

一物猪蹄散 治小兒寒熱及赤氣中人方 取猪後足懸蹄燒末搗篩以飲乳汁一撮立効
治少小卒中客忤不知人者方 取熱馬屎一丸絞取汁飲兒下咽便愈亦治中客忤而嘔啼面青腹強

者
一物馬通浴湯 治少小中忤方 馬通三升燒令煙絕以酒一斗煮三沸去滓浴兒即愈

一物猪通浴湯 治小兒中人忤嘔啼面青腹強者方 假猪通三升以熱湯灌之適寒温浴兒
治少小客忤二物黄土塗頭方 取甕中黃土蚯蚓屎等分搗合水和如雞子黃太塗兒頭上及五心良

一方云用雞子青和如泥
治小兒卒中客忤方 銅鏡燒令赤著少許酒中大兒飲之小兒不能飲者含與之即愈

衍義 小兒客忤得之不意間雖有似乎驚恐而實未必皆驚原其感觸之由總屬不內外因略無闕
乎表裏所以治療之法僅取易辨不需湯藥如衣中白魚本經原治小兒中風項強背起 麝臍辟邪

通經 驢毛截風 牛津通津 猪蹄甲治腹中伏熱 馬屎汁逐六腑穢毒 馬通浴滌除血脉諸風 猪通浴蒸發胃經邪氣 竈土蚓泥温中解毒 銅鏡真鎮攝肝氣 已上諸治總皆取意以安其心所謂醫者意也

治小兒中馬客忤而吐不止者方 灸手心主間使大都隱白三陰交各三壯可用粉丸如鼓法並用唾唾而呪之呪法如左

呪客忤法 呪曰摩家公摩家母摩家子兒苦客忤從我始扁鵲雖良不如善唾良呪訖棄丸道中 又法 取一刀橫著竈上解兒衣發其心腹訖取刀持向兒呪之唾輒以刀向心腹啡啡曰音非出煌煌

日出東方背陰向陽葛公葛公不知何公子來不視去不顧過與生人忤梁上塵天之神戶下土鬼所經大刀錄庫對竈君二七唾客愈免驚唾啡啡如此二七啡啡每唾以刀擬之呪當三遍乃畢用鼓丸如上法五六遍訖取此丸破視其中有毛棄丸道中客忤即愈矣

小兒魃方

論曰凡小兒有魃病者是婦人懷娠有忌神導其腹中胎妬嫉他小兒令病也魃者小鬼也音奇妊娠婦人不必悉招魃魅人時有此耳魃之為疾喜微微下痢寒熱或有去來毫毛鬢髮鬢鬢不悅是其證也宜服龍膽湯凡婦人先有小兒未能行而母又有孕使兒飲此乳亦作魃也令兒黃瘦骨立髮落壯熱是其證也

治魃方 灸伏翼熱嚼哺之○又方 燒伏翼末飲服之○又方 以水二升煮扁蓄冬衣各四兩取浴

白鮮皮湯 治少小客魃挾實方 白鮮皮 大黃 甘草 芍藥 茯苓 細辛 桂心各八錢 右

七味咬咀以水二升煮取九合分三服

行義 魃病雖云觸魃所致既病而加乳食不化結積乳癖所以腹大寒熱龍胆湯一方專主嬰兒胎

中白羊鮮湯功稍遜白蠟皮專解風濕故風痲亦多用之大黃清瀉脾胃有損至毒之元氣
堅積腹痛茯苓治胸脅通氣細辛治百節拘攣桂心利關節結氣甘草和臟腑寒熱合諸味主治則風
痲乳癖無不兼該何憚魁氣之不釋乎 伏翼為禽中之魁本經主寒熱結氣同氣相攻之用或灸或
燒無不宜之扁蓄為治魃專藥有利水殺蟲之功冬瓜利大小腸有壓丹石之動魃病之治總不外乎
滌除乳癖也

小兒夜啼

龍角圓

治小兒五驚夜啼方

崔氏名五驚丸

龍角六壯蠟牡丹一作川大黃各九

黃芩兩蚱蟬一枚牛黃五枚

如小豆

右六味末蜜丸如麻子每裏兒服二丸隨兒大小增減

芎藭散

治小兒夜啼至明即安寐方

芎藭 白朮

防已各半

兩

右三味治下篩以乳和與兒服之

量多少又以兒母手掩臍中亦以摩兒頭及脊驗二十日兒未能服散者以乳汁和之服如麻子一九

兒大能服藥者以意斟酌與之

一物前胡圓

治少小夜啼方

前胡隨多少搗末蜜丸如大豆服一九日三稍加至五六丸以瘥為度

下金湯

治小兒暴驚啼絕死或有火從外來邪氣所逐令兒得疾眾醫不治方

蜀椒

左顧牡蠣各六

碎

右二味以酢漿水一升煮取五合每服一合○又方 伏龍肝 交道中土各一

把

右二味治下

篩水和少許飲之○又方 取馬骨燒灰傅乳上飲兒啼即止

治小兒夜啼不已醫所不治者方

取狼屎中骨燒灰為末水服如黍米粒大二枚即定○又方燒蟬皮

三寸反著乳頭飲之

治小兒驚喘方

取雞屎白熬末以乳服之佳○又方

酒服亂髮灰良○又方

以姓娠時食飲偏有

所思者物哺兒則愈

衍義

方書論小兒夜啼但以見火而啼為胎熱去火而啼為胎寒此辨固是但未及胎風胎驚胸腹脹

痛等治不若千金之兼到也如龍角丸專取東方木氣以透肝風牡蠣以斂腎氣大黃以滌驚痰黃芩以解風熱牛黃以定胎驚疰蟬專止夜啼為胎熱驚喘峻藥 芫蕪散專取芫蕪以散風熱白朮以培土虛防己以開痰癖為滌熱安中專藥 前胡丸但取一物以下痰氣為表虛胎風善藥 千金湯專取蜀椒以溫中氣牡蠣以鎮腎怯為腎虛胎寒要藥 伏龍肝以填土虛交道土以通脾胃氣為脾虛胎熱良藥 其馬骨灰狼屎骨皆主胎風蛻皮及除胃脘痛雞矢白治腹脹滿亂髮及專主胎驚隨證取用 血肉之味也設治都不應則以其母懷身時所思之物哺兒以適胎情為不藥之藥曲盡夜啼治法矣

傷寒第五論一首 方三十首

論曰夫小兒未能冒涉霜雪乃不病傷寒也大人解脫之久傷於寒冷則不論耳然天行非節之氣其亦得之有時行疾疫之年小兒出腹但患疰者也治其時行節度故如大人法但用藥分劑少異藥小冷耳 麥門冬湯 治小兒未滿百日傷寒鼻衄身熱嘔逆方 麥門冬十八 石膏 寒水石 甘草各半 桂心

右五味咬咀以水二升半煮取一升每服一合日三

衍義 初生小兒斑衄逆多由稟體之弱寒邪入犯而溫熱與大人之伏氣發溫無異所以專取白虎而兼竹葉石膏炙甘草湯之製以寒水石代知母而化腎熱以麥門冬代粳米而滋肺腎其用桂心妙義有三一保初生陽氣一發諸藥性味一為散熱嚮導即伏氣發溫時行疫癘當不出此倘表證未除不妨仍用桂枝不失南陽本來聖法

芍藥四物解肌湯 治少小傷寒方 芍藥 黃芩 升麻 葛根各半 右四味以水三升煮取九合

去滓分五服期歲已上分三服

衍義 此并麻湯兼黃芩湯之製以升麻湯專行陽明黃芩湯專走少陽此則兼解二經風熱也

麻黃湯 治少小傷寒發熱咳嗽頭面熱者方 麻黃 生薑 黃芩 甘草 桂心 石膏 芍藥

各半 杏仁 右八味以水四升煮取一升半分二服兒若小以意減之

衍義 此本南陽先師麻黃湯麻杏甘石湯兼越婢湯桂枝麻黃各半湯等方之製其間但不用大棗者以嬰兒臟腑窄弱恐其戀膈助滿也與前考藥四物解肌湯不用甘草同義此有桂心辛散則甘草又為必需

治小兒傷寒方 葛根汁 淡竹瀝各六 右二味相和三三歲兒分三服百日兒斟酌服之不宜生煮

服注

衍義

葛根搗汁以散陽明客邪淡竹瀝以清胃中痰熱不宜生服者恐其寒滑作瀉也

治小兒時氣方 桃葉三兩搗以水五升煮十沸取汁日五六遍淋之若服發燒雄鼠屎二枚燒水調服

衍義 桃葉專辟一切時行不正之氣若淋之蒸之其熱不解此必素稟腎虛邪乘於裏故燒猴鼠屎以祛內陷之熱也

五味子湯 治小兒傷寒病久不除瘥後復劇瘦瘠骨立方 五味子銖十 麥門冬 黃連 黃芩 大黃

前胡銖各六 芒硝銖五 石膏兩 甘草 當歸各銖二 右十味咬咀以水三升煮取一升半服二合得下便

止計大小增減之

衍義 小兒傷寒病久不除或瘥後復劇此必邪從入化而陷伏不解所以瘦瘠骨立非急投三黃下

奪無以泄之三黃不連濟以芒硝石膏其前胡麥冬五味甘草當歸以滋津氣之燥在嬰兒固為合劑

以元神未動不慮其引邪內賊也

莽草浴湯 治少小傷寒方 莽草銖壯 礪石兩 雷丸枚三十 大黃兩 蛇床子升 右五味以水三斗煮取斗

半適寒溫以浴兒避眼及陰○又方 治小兒卒寒熱不住不能服藥方 莽草 丹參 桂心各三

葛蒲詳 雷丸升 蛇床子兩 右六味以水二斗煮三五沸適寒溫以浴兒避眼及陰

雷丸浴湯 治小兒忽寒熱方 雷丸枚二十 大黃兩四 黃芩兩一 苦參 石膏各三 丹參兩二 右六味咬咀以

水二斗煮取一斗半浴兒避眼及陰浴訖以粉粉之勿厚衣一宿復浴

李葉浴湯 治少小身熱方 李葉隨多少咬咀以水煮去滓浴兒良

柳枝浴湯 治小兒生一月至五月乍寒乍熱方 柳枝細切煮取汁洗兒若渴絞冬瓜汁服之

青木香浴湯 治小兒壯熱羸瘠方 青木香兩麻子仁 竹葉各一虎骨五兩白芷兩 右五味咬咀以

水二斗煮取一斗稍稍浴兒

衍義 已上六方皆取其湯邪熱逐毒氣之功宜諒稟質隨時取用

十二物寒水石散 治少小身體壯熱不能服藥方 寒水石 芒硝 滑石 石膏 赤石脂 青木

香 大黃 甘草 黃芩 防風 芎藭 麻黃根 右各等分合治下篩以粉一升藥屑三合相和

復以篩篩之以粉兒身日三

衍義 一派苦寒辟熱藥中祇取防風一味達表石膏一味實裡麻黃根一味斂汁尤賴米粉以實肌

李根湯 治小兒暴有熱得之二三日者方 李根 桂心 芒硝各麥門冬 甘草各一 右五味

咬咀以水三升煮取一升分五服

衍義 李根鹹寒降火芒硝苦寒蕩熱麥門甘草甘平滋津桂心辛溫破結熱因熱用從治之法也

升麻湯 治小兒傷寒變熱毒病身熱而赤口燥心腹堅急大小便不利或口瘡者或因將熱便四肢攣

掣驚仍成痲疾時發時醒醒後身熱如火者悉主之方 升麻 白薇 麻黃 葳蕤 柴胡 甘草

各半 黃芩兩 朴硝 大黃 鉤藤各六 右十味咬咀以水三升先煮麻黃去土沫內諸藥煮一升兒

生三十日至六十日一服二合六十日至百日一服二合半百日至二百日一服三合

衍義 此採麻黃升麻湯中五味以二麻透表黃芩泄熱姜甘潤燥參入白薇散堅柴胡透熱硝黃湯

實鈞勝舒攣表裏兼治之捷法仍從南陽法中化出

大黃湯 治小兒肉中久挾宿熱瘦瘠熱進退休作無時方 大黃 甘草 芒硝各半 桂心八 石膏兩

大棗五 右六味咬咀以水三升煮取一升每服二合○又方 治小兒腹大短氣熱有進退食不

安穀為不化方 大黃 黃芩 甘草 麥門冬 芒硝 石膏 兩桂心 右七味 咬咀以水三升 煮取一升 半分三服 期歲已下 小兒作五服

〔衍義〕 前方以肉中久挾宿熱 故用大棗引硝 黃芩入於營分 然非桂心無以散之 後方以腹大短氣 故用黃芩 麥冬引硝 黃芩入於氣分 仍用桂心為嚮導耳

蜀漆湯 治小兒潮熱方 蜀漆 甘草 知母 龍骨 牡蠣 右五味 咬咀以水四升 煮取一升 去滓 一歲兒少少溫服 半合 日再

〔衍義〕 此即金匱蜀漆散 彼治大人牡瘡 故用漿水 款蜀漆以搜痰涎 此治小兒潮熱 故用知母 佐牡蠣以靜伏熱 用甘草者 即外臺牡蠣湯 去麻黃而易知母 一從表散 一從內解 兩不移易之定法

竹葉湯 治小兒夏月患腹中伏熱 溫壯來往 或患下痢 色或白或黃 三焦不利 方 竹葉 小麥 各五柴胡 麥門冬 人參 甘草 茯苓 黃芩 右八味 咬咀以水四升 煮竹葉小麥 取三升 去竹葉小麥 下諸藥 煮取一升 半分三服 若小兒夏月 忽壯熱 燒人手 洞下黃澹 氣力憊然 脈極洪

數 用此方 加大黃二兩 再服 得下 即瘥 又方 治五六歲兒 溫壯腹中急滿 息不利 或有微腫 亦治極羸 不下飲食 堅 手足逆冷 方 竹葉 小麥 甘草 黃芩 栝蒌根 澤瀉 茯苓 知母 白朮 大黃 桂心 錐生薑 人參 麥門冬 半夏 當歸 右十六味 咬咀以水

七升 煮竹葉小麥 取四升 去滓 內諸藥 煎取一升 六合分四服

治小兒連壯熱 實滯不去 寒熱往來 微驚 悸方 大黃 黃芩 栝蒌根 甘草 滑石 桂心 牡蠣 人參 龍骨 凝水石 白石脂 硝石 右十二味 咬咀以水四升 煮取一升 半 每服三

合 一日一夜 令盡 雖吐亦與之一 石 英 半 兩

〔衍義〕 千金治五心煩熱 口乾唇燥 胸中熱 悶有竹葉湯 方用竹葉小麥 知母 石膏 茯苓 黃芩 麥冬 人參 甘草 栝蒌 半夏 生薑 其第一方 即南陽竹葉石膏湯 中去石膏 半夏 粳米 加小麥 茯苓 黃芩 柴胡 薑

竹葉石膏湯本治傷寒解後虛羸少氣氣逆欲吐故用石膏粳米以清胃中餘熱半夏以治氣逆欲吐設無吐逆可無藉於半夏也此治小兒腹中伏熱溫壯來往故用小麥茯苓以除伏熱煩擾黃芩柴胡以治溫壯來往設無溫壯可無藉於柴胡也 其又方但於前方除去柴胡一味仍用竹葉石膏湯中知母半夏加入白木大黃桂心當歸桔萸根澤瀉生薑其妙用全在桂心一味知母黃芩得之以破其結大黃白木得之以振其威奇兵妙用洵非庸俗可得而擬議者 其第三方治小兒連壯熱實滯即又方之變法其用石脂龍骨牡蠣即又方白木之意用滑石即又方澤瀉之意用凝水石即又方竹葉知母之意用硝石即又方半夏生薑之意不特能滌痰涎兼可助桂心為祛熱之嚮導也

調中湯 治小兒中秋月晨夕中暴冷冷氣折其四肢熱不得泄則壯熱冷氣入胃變下痢或欲赤白帶起數去小腹脹痛極壯熱氣脈洪大或急數者服之熱便歇下亦瘥也但壯熱不吐下者亦主之方

葛根 黃芩 茯苓 桔梗 芍藥 白木 葶本 大黃 甘草 略六 右九味咬咀以水二升煮取五合服法如前篇龍胆湯下量兒大小以意服之

〔衍義〕 葛根葶本甘草解表藥也黃芩芍藥甘草清熱藥也大黃黃芩甘草攻裏藥也苓木桔梗甘草和中藥也為小兒寒鬱熱邪腹痛下痢之的方功用與人參敗毒相仿

生地黃湯 治小兒寒熱進退啼呼腹痛方 生地黃 桂心 略二 右二味以水三升煮取一升期歲已下服二合已上三合 一方七味有芍藥寒水石黃芩當歸甘草各半兩

〔衍義〕 熱邪入犯營血則寒熱進退故用生地黃專治血熱則兼桂心以行地黃之滯寒熱兼濟之妙無愈於此又方合黃芩湯則專主太陽少陽合病更加寒水石以治心胃之火當歸以散肝脾之熱也

治小兒傷寒發黃方 搗土瓜根汁三合服之○又方 搗韭根汁澄清取如大豆許滴兒鼻中即出黃水瘥○又方 搗青麥汁服之○又方 小豆 三七 瓜蒂 二七 糯米 四十 右三味為末吹入鼻中

〔衍義〕 土瓜根專主濕熱發黃並汁專散瘀熱青麥汁專散肝熱瓜蒂散加糯米吹鼻取下黃水專散

在土濕熱也但不可以筒極力過吹入腦令人喘息立死

二物通汗散 治少小有熱不汗方 粉并雷丸兩 右搗為細末和下篩以粉兒身

二物茯苓粉散 治少小頭汗方 茯苓 牡蠣兩四 右治下篩以粉八兩合搗為散有熱輒取粉汗即止

三物黃連粉散 治少小盜汗方 黃連 牡蠣 貝母各銖 右以粉一升合搗下篩取粉兒身佳

衍義 雷丸殺三蟲逐毒氣去胃中熱故能通汗茯苓守五臟之氣牡蠣斂下焦之熱黃連貝母寒潤

得牡蠣之鹹寒雜粉以粉兒身專主小兒虛熱津液不固之盜汗

犀角飲子 此由心藏熱之所感宜服此方 犀角銖十八 茯苓兩 麥門冬兩 甘草兩 白木銖 右五味吹

咀以水九合煎取四合分服加龍齒一兩佳

衍義 犀角散胃熱之首藥得門冬茯苓引入心包白木甘草收斂津液倘服之不應加龍齒以收肝

氣之散

恒山湯 治小兒溫瘧方 恒山切一兩 小麥三合 淡竹葉切一升 右三味以水一升半煮取五合量兒大小分服

衍義 恒山專滌內蘊之痰為截瘧之峻味小麥竹葉專清胃中煩熱也

又方 鹿角末臨發時先服一錢匕○又方 燒蠶甲灰以酒服一錢匕至發時服三七并以火炙身○

又方 燒雞臍腔中黃皮為末和乳與服男雄女雌

衍義 鹿角專補督脈督脈固則外邪不能容矣蠶甲專辟肝邪雞臍腔專滌胃滯肝胃淨寒熱自除

又方 灸兩乳下一指三壯

少小嬰孺方下凡四類

咳嗽第六方十四首

六五

小兒出胎二百許日頭身患小小瘡治護小瘡復發五月中忽小小咳嗽微溫和治之因變癩一日二十過發四肢縮動背脊狀眦眼反須更氣絕良久復蘇已與常治癩湯得快吐下經日不聞爾後單與竹瀝汁稍進一日一夕中合進一升許發時小疎明日與此竹瀝湯得吐下發便大折其間猶稍稍與竹瀝汁

竹瀝湯方 竹瀝五合黃芩三升木防已 羚羊角 白木各六銖 大黃二兩茵芋三銖麻黃 白薇 桑寄生無一方甘草各半 右十二味咬咀以水二升半煮取藥減半內竹瀝煎取一升分服二合相

去一食久進一服

衍義 咳嗽有六淫七情經絡臟腑種種不侔此專因胎毒發瘡後變發癩與竹瀝治痰滌熱雖得小疎然非吐下不能大減其勢故用麻黃白薇開發肺氣於上即用大黃黃芩竹瀝疎利大腸於下羚羊防已草解寄生茵芋專為熱毒發癩而設白木甘草和中實脾師旅之糧餉也

紫苑湯 治小兒中冷及傷寒暴嗽或上氣咽喉鳴氣逆或鼻寒清水出方 紫苑 杏仁 黃芩 當歸 甘草 橘皮 青木香 麻黃 桂心各六銖 大黃兩 右十味咬咀以水三升煮取九合去滓六

十日至百日兒一服二合半一百日至二百日兒一服三合

衍義 前方重在瘡毒發癩故用羚羊防已茵芋等味此方專主寒嗽故取古今錄驗橘皮湯全方但加大黃青木香二味以滌內積之乳癖不可拘於大人治例也

五味子湯 治小兒風冷入肺上氣氣逆面青喘迫咳嗽晝夜不息食則吐不下方 五味子 當歸各半兩 麻黃 乾薑 桂心 人參 紫苑 甘草各一兩 款冬花 細辛各三銖 大黃半兩 白木兩 右十二味

咬咀以水二升半煮取九合去滓兒六十日至百日一服二合半一百日至二百日一服三合其大黃別浸一宿下 一方無款冬花大黃有大棗二枚

衍義 小兒風冷入肺咳嗽用麻桂薑辛款冬甘草當黃以其有面青喘迫吐逆不下知肺胃之氣大

虛非其人參不能安其胃氣非精白木不能止其吐逆非精五味不能斂其喘逆蓋小兒面青逆冷必非伏熱假象但其咳嗽晝夜不息必有乳癖留滯於中若徐虛嗽火動則劇火靜則止定屬虛中扶痰之象無疑非藉大黃不能滌其乳癖非藉當歸不能和其血氣上三方總藉麻黃大黃內外上下兼并之力也

治小兒大人咳逆短氣胸中吸吸呵出涕唾嗽出臭膿方 燒淡竹瀝煮二十沸小兒一服一合日五服

大人一升亦日五服不妨食息乳哺

衍義 此即前第一方所言單與竹瀝汁之法也

治小兒寒熱咳逆膈中有乳癖若吐不欲食方 乾地黃四麥冬 五味子 蜜各半 大黃 硝石各二

右六味以水三升煮取一升去滓內硝石蜜煮令沸服二合日三胸中當有宿乳汁一升許出火者服五合

衍義 用也

地黃麥冬蜂蜜五味治久咳肺燥因膈中有乳癖故用硝黃不用芒硝而用硝石專磨乳癖之

射干湯 治小兒咳逆喘息如水雞聲方 射干 麻黃 紫苑 甘草 生薑各一兩 半夏五枚 桂心五寸 大

棗二十枚

右八味以水七升煮取一升五合去滓內蜜五合煎一沸分溫服二合日三

衍義 此於金匱射干麻黃湯中除去細辛欬冬五味易入桂心甘草蜂蜜雖主治與金匱無異而桂

心和榮較細辛搽肺之力稍緩甘草和胃較五味收津之味稍平蜂蜜潤燥較欬冬散結之性稍和非

若前五味子湯之有面青喘迫不得不藉參朮五味之收斂津氣也

又方 半夏四兩 紫苑 桂心 生薑 細辛 阿膠 甘草各二兩 蜜合欬冬花合 右九味以水一

斗煮半夏取六升去滓內諸藥煮取二升五合五歲兒服一升二歲兒服六合量兒大小多少加減之

衍義 前方專搽風寒逆氣此方專搽痰飲淤結雖所見之證與前無異而受病之源不侔也

杏仁圓

治大人小兒咳逆上氣方 杏仁三升熟搗如膏蜜一升為三分以一分內杏仁搗令強更內

一分搗之如膏又內一分搗熟止先食已含咽之多少自在日三每服不得過半方寸匕則利

衍義

杏仁為辛散肺氣之峻藥生用則治傷寒喘逆熬黑則治結胸痰垢其耗氣之性可知此與蜜

三分和搗藉其甘溫潤澤以降肺逆可為曲盡製度之妙然服不過半方寸匕則利使肺氣從大腸降泄無復咳逆上氣之患矣

又方

半夏二斤去皮河水洗六七度用甘草兩白礬研斤丁香 縮砂 草菴 川升麻兩 右七味以好酒一

斗與半夏拌和勻同浸春冬三七日夏秋七日密封口日足取出用冷水急洗風吹乾每服一粒嚼破

用薑湯下或乾吃候六十日乾方得服疑非孫思邈方

衍義

前方用蜂蜜製杏仁以潤肺燥咳逆此方用酒製半夏以逐胃濕痰氣其白礬等味藉以解半

夏之毒并助胃健運之力耳

八味生薑煎

治少小嗽方 生薑兩乾薑兩桂心兩甘草 欵冬花 紫苑各三杏仁 蜜各一 右

合諸藥為末微火上煎取如飴餉量其大小多少與兒含咽之百日小兒如棗核許日四五服甚有驗

衍義

此治肺氣咳逆用蜂蜜者藉以制薑桂之燥也

四物欵冬圓

治小兒嗽晝夜甚初不得息不能復啼方 欵冬花 紫苑各一桂心兩伏龍肝兩

右為末蜜和如泥取如棗核大傅乳頭令兒飲之日三傅之漸漸令兒飲之

衍義

咳嗽晝夜甚在少年當責之陰虛在老人當責之血燥在小兒當責肺胃虛冷故用桂心伏

龍肝之辛溫實脾以助欵冬紫苑溫肺之力

菖蒲圓

治小兒暴冷嗽及積風冷嗽兼氣逆鳴方 菖蒲 烏頭 杏仁 礬石 細辛 皂莢各六

欵冬花 乾薑 桂心 紫苑各十川椒五吳茱萸各六 右十二味為末蜜丸如梧子三歲兒飲服五

九加至十九日三兒小以意減之兒大以意加之暴嗽數服便瘥

衍義 本經以葶藶為風寒濕痺咳逆上氣要藥世人但知其有通心利氣明目出聲之功咳逆絕不知用是慮其溫燥也其辛烏薑桂椒黃總取辛溫散冷之用其妙尤在稀涎散之兒及礬石助葶藶開竅滌痰之力杏仁款冬紫苑不過藉以引諸藥入肺經耳

桂枝湯 治少小十日已上至五十日卒無聲咳吐乳嘔逆暴嗽晝夜不得息方 桂枝半甘草二兩紫苑十八麥冬一兩 四味咳咀以水二升煮取半升以綿著湯中捉綿滴兒口中晝夜四五過與之

節乳哺

麻黃湯 治少小卒肩息上氣不得安此惡風入肺方 麻黃四甘草兩桂心五五味子半半夏生薑

各二 右六味咳咀以水五升煮取二升百日兒服一合大小節度服之便愈

衍義 桂枝湯風傷衛藥也以本方無治聲咳藥故去芍藥薑棗而易紫苑門冬引領桂枝甘草以開發肺胃逆氣 麻黃湯寒傷榮藥也以本方無治肩息藥故借小青龍去白芍細辛易生薑以辟除惡

風痰氣皆長沙方中變法豈特嬰兒主治哉

癖結脹滿第七方三十首 灸法一首

雙紫圓 治小兒身熱頭痛飲食不消腹中脹滿或小腹絞痛大小便不利或重下數起小兒無異疾惟飲食過度不知自止哺乳失節或驚悸寒熱惟此丸治之不瘥更可重服小兒欲下是其蒸候哺食減

少氣息不快夜啼不眠是腹內不調恙宜用此丸不用他藥數用神驗方林德等詳例中凡云服紫丸者即前變蒸篇中四味者是也云服紫丸不下者服赤丸赤丸差映病重者當用之方巴豆糞仁各十麥冬十甘草五甘遂珠中並無赤丸而此用砂又力繫于紫丸疑此即赤丸也

砂各二牡蠣蠟各八右八味以湯熟洗巴豆研新布絞去油別搗甘草甘遂牡蠣麥門冬下篩訖研麩仁令極熟乃內散更搗二十杵藥燥不能相丸更入少蜜足之半歲兒服如在子一雙一歲二歲

兒服如半麻子一雙三四歲者服如麻子二九五六歲者服如大麻子二九七歲八歲服如小豆二丸九歲十歲微大於小豆二丸常以雞鳴時服至日出時不下者熟粥飲數合即下丸皆雙出也甚者飲

以冷粥即止

衍義 小兒無異疾惟飲食之過度故宜巴豆之辛散兼甘遂之苦寒以蕩滌癖積疑仁除心腹邪熱

結氣寒冬治腸中傷飽胃絡脈絕羸瘦短氣壯嘔散內結積熱蜂蠟清胃甘草和中丹砂安神不使巴

豆甘遂侵犯止氣也

治小兒胎中宿熱乳母飲食粗惡辛苦乳汁不起兒乳哺不為肌膚心腹痞滿萎黃瘦瘠四肢痿躄瘰癧

服之可令充悅方 芍藥 柴胡略二 大黃 人參略一 乾薑如熱以 甘草各半 鱉甲 茯苓各半

右八味為末蜜丸如大豆服一九一歲已上乳服三九七歲兒服十九日二

衍義 嬰兒胎稟中有宿熱故取小柴胡以和之以半夏之辛燥故易茯苓苦寒故易鱉甲生薑

辛散故易乾薑其芍藥大黃乃大柴胡中主藥去大棗不去人參甘草者惡其膩膈取其安中也

牛黃圓 治小兒宿乳不消腹痛驚啼方 牛黃銖附子枚 真珠 巴豆 杏仁略一 右五味搗附子

真珠為末下篩別搗巴豆杏仁令如泥內藥及牛黃搗一千二百杵藥成若乾入少蜜足之百日兒服

如粟米一九三歲兒服如麻子一九五六歲服如胡豆一九日二先乳哺了服之膈上下悉當微轉藥

丸出者病愈散出者更服以藥完出為度

芒硝紫圓 治小兒宿食癖氣痰飲往來寒熱不欲食消瘦方 芒硝 大黃略一 半夏 甘遂略二 代

赭兩 巴豆二 杏仁一百二 右七味為末別搗巴豆杏仁治如膏旋內藥末搗三千杵令相和合強

者內少蜜一百日兒服如胡豆一九過百日至一歲服二丸隨兒大小以意節度當候兒大便中藥出

為愈若不出更服如初

治八歲已上兒熱結痰實不能食自下方 白芍 梔子 知母 大黃略二 柴胡二 升麻 黃連

黃芩兩半 竹葉切 桔梗半 細辛十五 右十一味咀咀以水六升煮取一升八合去滓分四服十

歲兒為三服 一本有枳實杏仁各一兩半無桔梗黃連

治十五已下兒熱結多痰食飲減自下方 大黃 柴胡 黃芩 枳實 升麻 白芍 知母 梔

子略半生薑十八杏仁兩竹葉切半 右十一味咬咀以水六升半煮取二升十歲至十五者分三服

牛黃雙圓 治小兒結實乳食不消心腹痛方 牛黃 大山甘遂略半真珠六杏仁 芍藥 黃芩 各

兩巴豆針八 右七味為末蜜丸一歲兒飲服如麻子二丸但隨兒大小加減之

牛黃蟹甲丸 治少小癰實壯熱食不消化中惡忤氣方 牛黃 厚朴 茯苓 桂心 白芍 乾薑

兩半麥麴 柴胡 大黃 蟹甲 枳實 芍藥略一 右十二味為末蜜丸如小豆大日三服以意

量之

芫花圓 治小兒心下痞痰癖結聚腹大脹滿身體壯熱不欲哺乳方 芫花 黃芩略一 大黃 雄黃

兩半 右四味為末蜜和丸更搗一十杵三歲兒至一歲已下服如粟米一丸欲服丸內兒喉中令母

與乳若長服消病者當以意消息與服之與乳哺相避

真珠圓 治小兒痰實結聚宿癖羸露不能飲食方 真珠兩半 麥冬一兩 桂仁二兩 巴豆四枚 右四味為

末蜜丸期歲兒服二丸如小豆大二百日兒服如麻子二丸漸增以知為度當下病赤黃白黑服汁下

勿絕藥病盡下自止久服使小兒肥白甚驗

蟹甲圓 治少小腹中結堅脅下有疹手足煩熱方 蟹甲 白芍 大黃各三錢 茯苓 柴胡 乾薑各

十四桂心六錢 蟻蟲各二錢 右九味為末蜜和服如梧子七丸漸漸加之以知為度

蟹頭圓 治小兒痞氣脅下腹中有積聚堅痛方 蟹頭一枚 甘皮二錢 蟻蟲 麩蟲 桃仁各八枚 右五味

為末蜜丸服如小豆二丸日三大便不利加大黃十八錢以知為度

治小兒羸瘦懶慢宜常服不妨乳方 甘草五兩為末蜜丸一歲兒如小豆十九日三服盡即更合

何義 牛黃丸為高粱者設芒硝紫丸為藜藿者設方中牛黃除熱痰瘡驚癩真珠定神志安魂魄杏

仁搽痰飲下逆氣巴豆逐乳癖湯冷積附子破癥堅散積聚總行辛溫之力以行寒降之用也 芒硝

紫丸 中芒硝以代真珠之滌熱大黃甘遂以代牛黃之瀉實半夏以代附子之破結在祖屬之子原無藉於峻溫也其治八歲已上十五歲已下兒熱結痰實食減自下並用芍藥梔子知母大黃柴胡升麻黃芩竹葉一派青熱之藥但熱甚則用黃連栝梗細辛痰多則用枳實杏仁生薑原不必以歲數拘也 牛黃雙丸以有心腹陽分之痛故於牛黃丸中除去附子參入紫丸中甘遂佐芍藥黃芩以瀉實熱之固結 牛黃蟹甲丸以有癖實壯熱故於後蟹甲丸中除去虜蟲蟻增噉血之味參入牛黃厚朴麥麴枳實芍藥等味以滌除痰癖二方俱參入桂薑以鼓牛黃大黃蟹甲芍藥之力也 芫花丸中祇用雄黃一味不特振芫花大黃芫花下奪之威其宿蘊之積亦得從之下達矣 真珠丸方即於牛黃丸中專取真珠巴豆二味又於雙紫丸中擇取麩仁以佐巴豆門冬以佐真珠藥品愈減而功用愈專矣 蟹頭丸專取噉血之品以攻血為務乃抵當湯下淤血湯之變方非若蟹甲丸之於攻積藥中兼行破血也 一味甘草蜜丸治小兒羸瘦必因巴豆甘遂大黃牛黃等傷犯胃氣而致懶懶不安故不假他藥但取解藥毒若非藥盡與此方無預

桂心橘皮湯 治小兒五六日不食氣逆方 桂心 人參各半 橘皮三兩 黍米五成 擇五兩 右五味咬

咀以水七升先煮藥煎取二升次下薤米末熟藥成稍稍服之

〔衍義〕 桂心人參黍米俱溫理胃氣虛寒之藥兼橘皮以發越參米補益之性更加成擇之薤專泄胸

中逆上之滯氣也

地黃圓 治少小胃氣不調不嗜食生肌肉方 乾地黃 大黃各一兩 茯苓十八 當歸 柴胡 杏仁

各半 右六味為末以蜜丸如麻子大服五九日三

〔衍義〕 此專療胃中氣血不調飲食不為肌肉故專取地黃治傷中逐血當歸治寒熱和脾柴胡升少

陽生氣杏仁下胸中逆氣大黃滌六腑實熱茯苓守五臟真氣也

馬通栗圓 治少小胃下有氣內痛喘逆氣息難往來寒熱羸瘦不食方 馬通中栗對八杏仁 紫苑

細辛 附子 五味子 石膏 秦艽 半夏 茯苓 右九味為末蜜丸服如小豆十九日三不知

加至二十九

衍義 馬通止血解毒而馬通中粟專散胃中積垢杏仁細辛秦艽紫苑祛風利氣茯苓半夏利水豁

痰石膏五味化熱收津積散氣調痰清熱化而津自回矣

治少小腹痛滿方 燒父母指甲灰乳頭上飲之○又方 非根汁和豬脂煎細細服之○又方 車穀

中脂和輪下土如彈丸吞之立愈○又方 米粉鹽等分炒變色腹上摩之

衍義 取爪甲肝氣之餘以疎脾土之滯 非根和豬脂以通腸胃之結 車脂和輪下土以疏土氣

之壅米鹽炒摩腹上以調水土之逆

當歸圓 治小兒胎寒嘔啼腹中痛舌上黑青涎下方一名黑丸 當歸 狼毒各九 吳茱萸一作杏仁 川椒各半

細辛 乾薑 附子各射巴豆 豉合 右九味搗八種下篩秤藥末令足研巴豆如膏稍稍內藥末

搗令相得蜜和桑盃盛蒸五升米飯下出搗一十杵一月兒服如黍米一丸日一夜二不知稍加以知

為度亦治水癖

衍義 此於金匱九痛丸中除去人吞汗加細辛歸鼓聚辟腹中不正之氣豈特主胎寒腹痛而已哉

當知九痛丸能治九種心痛而寒痛血痛蟲痛尤為致効

馬齒蕨圓 治小兒胎寒嘔啼驚癩腹脹不嗜食大便青黃并大人虛冷或有實不可吐下方 用馬齒

蕨一斤燒半日以棗膏和大人服梧子二丸日三小兒以意減之以腹內溫為度有實實去神妙

衍義 皂蕨煨赤最散氣血結滯今名棗蕨丸是也

治小兒忽患腹痛大矯汗出名曰胎寒方 煮梨葉濃汁七合可三四度飲之

衍義 梨性寒滑而煨熟食之則不傷脾胃梨葉者濃汁可治小兒胎寒腹痛當是棠梨之葉以棠梨

能溫胃也

半夏圓 治小兒暴腹滿欲死方 半夏隨多少微火泡之搗末酒和服如粟米粒大五九日三立愈

衍義 半夏一味專滌頑痰火炮酒服治腹痛全在炮治得宜

治小兒霍亂吐利方 人參兩厚朴 甘草略半 白木十八 右四味咬咀以水二升二合煮取半升六

十日兒服一合百日兒分三服期歲兒分二服中間隔乳服之乳母忌生冷油膩等 一方加乾薑一分或加生薑三分

蜜香湯 治毒氣吐下腹脹逆害乳哺方 藿香兩 生薑兩 青竹茹 甘草略半 右四味咬咀以水二

升煮取八合每服一合日三有熱加升麻半兩

治孩子霍亂已用立驗方 人參 蘆薈兩各半 菴豆藤兩 倉米撮 右四味咬咀以水二升煮取八合分

溫服○又方 人參兩 木瓜一枚 倉米撮 右三味咬咀以水煮分服以意量之立効

治小兒霍亂方 牛涎灌口中一合○又方 研尿滓乳上服之

治少小吐利方 亂髮燒反鹿角鈹 右二味為末米汁服一刀圭日三服

衍義 此於理中湯中去乾薑之守中易厚朴以泄滿即四君子中去茯苓之淡滲易厚朴以溫散

霍香湯則專取竹茹之青胃得霍香以正氣甘草以和中借生薑之辛散以定霍亂 其人參蘆薈菴

豆藤陳倉米專療霍亂止後胃氣虛乏 人參木瓜倉米專治霍亂轉筋木瓜能於土中瀉木 牛涎

以滋坤土涎乃脾之津 亂髮反治五癰闕格利小便鹿角走肝腎督脉而有止漏下散惡血之功血

散漏止而吐利痊矣

治小兒癰 灸兩乳下一寸各三壯

癰疽瘰癧第八論一首 方六十三首

漏蘆湯 治小兒熱毒癰疽赤白諸丹毒瘡癰方 漏蘆 連翹射後用 白薇 芒硝射後用 甘草各六

大黃射升麻 枳實 麻黃 黃芩各九 右十味咬咀以水一升半煎取五合兒生一日至七日取

一合分三服八日至十五日取一合半分三服十六日至二十日取一合分三服二十日至三十日取三合分三服三十日至四十日取五合分三服
射治大人各用二兩大黃三兩以水一斗煮取三升分三服其後丹毒須針鏡去血經心錄無連翹有知母芍

藥犀角
各等分

衍義 方以漏蘆立名專取利數解毒表裏兼該以泄其邪升麻白薇助麻黃以開鬼門枳實芒硝助

五香連翹湯 治小兒風熱毒腫腫色白或有惡核瘰癧附骨癰疽節解不舉白丹走竟身中白軫癢不

已方 青木香 黃陸香 雞舌香 沉香 麻黃 黃芩 大黃兩 麝香三 連翹各六 海藻 射干

升麻 枳實各半 竹瀝各三 右十四味咬咀以水四升煮藥減半內竹瀝煮取一升二合兒生百日

至二百日一服三合二百日至期歲一服五合 一方不用麻黃

衍義 風熱毒腫色白明是氣滯痰結故需五香達竅為主其麻黃佐升麻以開肌膚枳實佐大黃以

瀉腸胃黃芩佐連翹以散風熱海藻佐射干以軟堅結竹瀝專行經絡以開痰氣也

連翹圓 治小兒無故寒熱強健如故而身體頸項結核瘰癧及心腹脇背裏有堅核不痛名為結風氣

腫方 連翹 桑白皮 白頭翁 牡丹 防風 黃柏 桂心 香豉 獨活 秦光各一 海藻兩

右十一味為末蜜丸如小豆三歲兒飲服五丸加至十九五歲已上者以意加之

衍義 方中防風白頭翁香豉以散風毒連翹秦光桑皮海藻以散氣腫然風藥氣藥非得血藥不能

透達榮分以散結核又須黃柏桂心寒熱交攻用牡丹者專和黃柏桂心之寒熱也

治丹毒大赤腫身壯熱百病不折方 寒水石十六 石膏十三 藍青十二 犀角 柴胡 杏仁各八

知母各五 甘草各五 羚羊角各六 芍藥 黃芩各七 梔子各十一 竹瀝各一 生薑各四 蜜二斤 右十五味咬咀以

水五升并竹瀝煮取三升三合去滓內杏仁脂葛汁蜜微火煎取二升一二歲兒服二合大者量加之

麻黃湯 治小兒丹腫及風毒風疹方 麻黃半 獨活 射干 甘草 桂心 青木香 石膏 黃

芩略一 右八味咬咀以水四升煮取一升三歲兒分為四服日再○又方 治小兒惡毒丹及風疹
方 麻黃 升麻 葛根略一射干 雞舌香 甘草略半石膏合 右七味咬咀以水三升煮取一
升三歲兒分三服日三

搗湯 治小兒數十種丹方 大黃 甘草 當歸 芎藭 白芷 獨活 黃芩 芍藥 升麻 沉

香 青木香 木蘭皮略一芒硝兩 右十三味咬咀以水一斗二升煮取四升去滓內芒硝以綿溫

湯中適寒溫搗之乾則易之取瘥止

治小兒溺龜丹初從兩股及臍間起走入陰頭皆赤方 桑根皮取一斗以水二斗煮取一斗以洗浴之

治小兒丹毒方 搗慎火草絞取汁塗之良其丹毒方具在別卷

治小兒赤遊丹腫若偏身入心腹即能殺人方 搗伏龍肝為末以雞子白和傅乾易之○又方 白豆

末水和傅之勿令乾

治小兒半身皆紅赤漸漸引長者方 牛膝 甘草 右二味咬咀合得五升以水八升煮三沸去滓和

伏龍肝末傅之

治小兒身赤腫起者方 熬米粉令黑以唾和傅之○又方 伏龍肝 亂髮灰 右二味為 以膏和傅之

治小兒卒腹皮青黑方 以酒和胡粉傅上若不急治須臾便死又灸臍上下左右去臍半寸并鳩尾膏

下一寸凡五處各三壯

衍義 丹毒總屬火證故用寒水石石膏犀角羚羊柴胡芍藥一派解毒散血清肝之劑專治從內熾

發之毒 麻黃湯坊用麻黃桂心射干獨活皆主外內合邪之證以分解蘊熱之勢其石膏黃芩青木

香甘草仍不出乎正治之法也 其又方則全從事於外解升葛射干即前方射干獨活佐黃芩之意

難舌香即前方桂心導伏熱之意石膏甘草則與上二方無異也 搗湯清解表裏熱毒藥皆純良無奇

木蘭皮近世罕用故諸本經治大熱在皮膚中去面熱赤施酒飲等證使熱從皮腠而散也 一味桑

根皮煮湯浴之專取其散風熱也 慎火草絞汁塗之專取其解火毒也 伏龍肝末雞子白和傳專

取其散虛熱也 白豆與赤豆之狀不異但色白至氣分而解皮膚熱毒 牛膝甘草皆生用煎取濃

汁和伏龍肝末傳之功用與伏龍肝和雞子白傳之不殊 熬米粉以唾和傳取米能長肉黑能解毒

也與前治小兒小腹痛腫滿用米鹽炒摩同意以鹽能硬堅同源異派 伏龍肝亂髮灰和傳與前和雞

子白傳少異以亂髮灰能散滯血也 小兒卒腹皮青黑用酒和胡粉傳專取鉛性鎮攝火毒也

五香枳實湯 治小兒着風熱痞癭堅如麻豆粒瘡癢瘙之皮剥汁出或偏身頭面常常發者方 青木

香九麝香六銖雞舌香 薑陸香 沉香 防風 秦光 漏蘆略半升麻 黃芩 白斂 麻黃略一

枳實一兩大黃一兩 右十四味咬咀以水五升煮取一升八合兒五六歲者一服四五合七八歲

者一服六合十歲至十四五者加大黃半兩足水為一斗煮取二升半分三服

治小兒火灼瘡一身盡有如麻豆或有濃汁乍痛乍癢方 甘草 白芍 白斂 黃芩 黃連 黃柏

苦參略半 右七味為末以蜜和傅之日二夜一亦可作湯洗之

治小兒上下偏身生瘡方 芍藥 川連 黃芩略三苦參兩大黃兩蛇床子升黃柏兩拔其斤 右八

味咬咀以水二斗煮取一斗以兒洗浴

治小兒瘡初起燥裂似火瘡名燥瘡亦名爛瘡方 桃仁熟搗以面脂和傅之亦治遍身赤腫起○又方

馬骨燒灰傅之

水銀膏 治小兒熱瘡方 水銀 胡粉 松脂略三 右三味以猪脂四升煎松脂水氣盡下二物攪

令勻不見水銀以傅之

苦參湯 治小兒身上下百瘡不瘥方 苦參兩地榆 川連 王不留行 獨活 艾葉略三竹葉升

右七味咬咀以水三斗煮取一斗以浴兒瘡上浴訖傅黃連散

治三日小兒頭面瘡起身體大熱方 升麻 柴胡 石膏略六甘草 當歸各升大黃 黃芩各升

升麻 柴胡 石膏略六甘草 當歸各升大黃 黃芩各升

升麻 柴胡 石膏略六甘草 當歸各升大黃 黃芩各升

升麻 柴胡 石膏略六甘草 當歸各升大黃 黃芩各升

右七味咬咀以水四升煮取二升分服日三夜一量兒大小用之

治小兒頭面身體悉生瘡方 榆白皮隨多少曝令燥下篩醋和塗綿以傅瘡上蟲自出亦可以猪脂和

塗之

行義 五香枳實湯與五香連 湯大同小異彼以毒腫色白且有惡核瘰癧故用連翹海藻射干竹

瀝更堅滌痰之品以輔五香此治風熱瘡癩堅如麻豆故用防風秦元白薇漏蘆透風利竅之品以輔

五香各隨佐使應用 其治小兒火灼瘡一身盡如麻豆用芩連黃柏專治熱毒白薇苦參散結止痛

白芍甘草解毒和榮 小兒上下遍身生瘡即於前方除去白薇甘草加大黃以合三黃并入蛇床拔

奠以除痺濕之毒 其桃仁和面脂專取散血之用 馬骨燒灰祛風止痛活血舒筋 水銀胡粉松

脂熬猪脂傳專行燥濕 苦參湯浴兒專取苦燥以治濕熱 三日小兒胎毒嫩發頭面瘡起身體太

熱故用石膏大黃黃芩引領毒從下泄升麻柴胡乘機外分其勢當歸甘草和其始生血氣也 榆白

皮性滑利竅得醋或猪脂和塗能使瘡中之蟲自出

枳實圓 治小兒病風癩癢痛如芥搔之汁出偏身瘡癩如麻豆粒年年喜發面目虛肥手足乾枯毛髮

細黃及肌膚不光澤鬣氣不利此則少時熱盛極體當風風熱相搏所得也不早治之成大風疾方

枳實 菊花 蛇床子 防風 刺蒺藜 白薇 浮萍略一 天雄 麻黃 漏蘆略半 右十味為

末蜜丸如大豆許五歲兒飲服十丸加至二十九日二五歲已上者隨意加之兒大者可為散服

行義 方中浮萍麻黃防風刺蒺藜菊花白薇專祛風毒外泄枳實漏蘆專去風毒內泄天雄蛇床專

祛經絡中風毒不使伏藏而成惡疾也

治小兒風癩癢疹方 葫蘆 防風 羊桃 石南 秦椒 升麻 苦參 茵芋 芫花一云 刺蒺藜

蛇床子 枳實 礬石略一 右十三味咬咀以漿水三斗煮取一斗去滓內礬石令小沸浴之

行義 方下雖治風癩癢疹與前方主治不殊方中除枳實蛇床防風蒺藜四味相同其葫蘆羊桃石

硫磺 方下雖治風癩癢疹與前方主治不殊方中除枳實蛇床防風蒺藜四味相同其葫蘆羊桃石

南苦參茵芋光花皆毒風痺濕拘攣藥惟秦椒升麻升散熱引磨石收斂濕熱宜料專主方下諸治哉

又方 牛膝末酒服方寸匕漏瘡多年不瘥搗末傅之亦主骨疽癩疾瘰癧絕妙

衍義 牛膝專行筋脈本經治寒濕痿痺四肢拘攣膝痛不可屈伸千金治漏瘡多年不瘥及骨疽癩疾瘰癧非取其走肝榮筋之力歟

澤蘭湯 主丹及癰疹入腹殺人方 澤蘭 芎藭 附子 茵芋 藁本 莽草 細辛各十 右七

味咬咀以水三升煮取一升半分四服先與此湯然後作餘治

衍義 丹毒癰疹毒陷入腹非用辛溫透之達表即用苦寒推之降泄用此澤蘭專行散血藁本芎藭

細辛并祛風熱附子鼓茵芋莽草逐風透毒之力也

治小兒手足及身腫方 以小便溫暖漬之良

衍義 一切浮腫總是氣虛濕熱此用小便溫漬專解蘊蒸熱毒

論曰小兒頭生小瘡浸淫疼癢黃膏由不生痂連年不瘥者亦名如頭瘡以赤龍皮湯及天麻湯洗之內

服漏蘆湯不宜傅飛鳥膏散及黃連胡粉水銀膏散方具見別卷

藜蘆膏 治小兒一切頭瘡久即成癩不生痂方 藜蘆 黃連 雄黃 黃芩 松脂各二 礬石兩五 猪

脂餅 右七味為末煎令調和先以赤龍皮天麻湯洗訖傅之赤龍皮即龍皮

治小兒頭瘡經年不瘥方 松脂 苦參 黃連各兩大黃 胡粉各一 黃芩 水銀各一兩 礬石半兩 蛇

牀子十八 右九味為末以臘月猪脂和研水銀不見傅之○又方 取屋塵末和油瓶下滓以見炭

湯洗傅之○又方髮中生瘡頂白者皆以熊脂傅之

治小兒頭瘡方 胡粉兩川連兩 右二味為末洗瘡去痂拭乾傅之即瘥更發如前傅之○又方 胡

粉 連翹各一 水銀餅 右三味以水煎連翹內胡粉水銀和調傅之○又方 白松脂 胡粉各二

水銀兩猪脂兩 右四味合煎去滓內水銀粉調傅之大人患同

衍義 藜蘆吐風痰藥兼芩連燥濕雄黃解毒礬石松脂以收濕熱 赤龍皮煎湯洗除蟲及漏惡瘡

天麻療蠱毒惡風為治風毒要藥 其治小兒頭瘡經年不瘥方即前方去藜蘆雄黃加大黃苦參蛇

床子胡粉水銀等皆祛濕熱之藥 屋塵油滓腐穢之物取治腐穢之疾 熊脂逐風專治頭瘍白禿

面上疥皯 胡粉 黃連 胡粉連翹水銀 胡粉水銀松脂猪脂總傳小兒頭瘡咸取殺蟲燥濕之

義 苦參湯 治小兒頭瘡方 苦參 黃芩 川連 黃柏 甘草 大黃 芎藭 略 一 疾藜子 合 右八

味咬咀以水六升煮取三升漬布搗瘡上日數過

衍義 芩連大黃黃柏苦參等一派苦寒藥中但得芎藭一味和血蔞藜一味透風甘草一味解毒煎

湯漬布頻搗瘡上自愈

治小兒禿頭瘡方 取雄雞屎陳醬汁苦酒和以洗瘡了傳之○又方 羌花臘月猪油和如泥洗去痴

傳之日一度治白金翼禿

治小兒頭禿瘡方 葶藶子細末先洗傳之○又方 不中水蕪青葉燒灰和猪脂傳之

治小兒頭禿瘡無髮苦癢方 野葛末 猪脂 羊脂 略 一 右三味合煎令消待冷以傳之不過三上

治少少頭不生髮一物揪葉方 揪葉搗取汁傳頭上立生

治小兒頭不生髮方 燒鯽魚灰末以醬汁和傳之

治小兒癩瘡方 塚中石灰厚傳之良○又方 燒桑根灰傳之并燒烏羊角作灰相和傳之

治小兒癩瘡方 丹砂 大黃各三錢 雄黃 漆頭各一錢 雌黃各二錢 馬齒莧 莽草各十錢 川連六錢

右八味咬咀以猪脂一升三合微火煎三上三下膏成去滓下諸色末攪凝傳之

治小兒惡瘡方 熬鼓令黃為末傳瘡上不過三傳愈

治小兒痘極月初即生常有黃水出方 以酢和油煎令如粥及熱傳之二日易欲重傳則以皂莢湯洗

瘡乃傳之

治小兒月蝕瘡隨月生死方 以胡粉和酥傳之五日瘥

治月蝕九竅皆有瘡者方 燒蚯蚓屎末和猪膏傳之

治小兒浸淫瘡方 龜中黃土 髮灰 右二味各等分為末以猪脂和傳之

治小兒黃爛瘡方 四交道中土 龜下土 右二味各等分為末傳之亦治夜啼○又方 燒艾灰傳

之○又方 燒牛屎傳之亦可滅癩

治小兒疥方 燒竹葉為灰雞子白和傳之日三亦治疥瘡○又方 燒亂髮灰和臘月猪脂傳之○又

方 以臭酥和胡粉傳之

治小兒頭面瘡疥方 麻子五升為末以水和絞取汁與蜜和傳之若有白犬膽傳之大佳

治小兒濕癬方 枸杞根搗作末和臘月猪脂傳之○又方 桃青皮搗末和醋傳之日二○又方 煎

馬屎洗之○又方 燒狗屎灰和猪脂塗之○又方 搯破以牛鼻上津傳之

治小兒身上生赤疵方 取馬屎洗日四五度

治小兒身上有赤黑疵方 取狗熱屎傳之皮自卷落

治小兒疣目方 以針及小刀子抉目四面令似血出取患瘡汁黃膿傳之莫近水三日即膿潰根動自

脫落

衍義 雄雞屎下氣殺蟲以醬醋引入蟲口 芫花解毒殺蟲以猪脂引入蟲口 葶蘆破堅利水殺

蟲與芫花不殊 蕪青治熱毒風腫 野葛治惡風水腫殺蟲以毒攻毒也 椒葉拔毒排膿善透肌

肉 鯽魚灰解毒散聖醬汁引入蟲口 塚中石灰專散火毒 桑灰泄風去熱 烏羊角灰消堅解

毒相和傳之尤効 丹沙礬石雌雄二黃解毒大黃黃連滌熱開如去惡肉敗瘡莽草治大風壅腫結

氣 熬鼓為末以除惡毒異氣 醋和油煎專滋風燥皂莢專解風毒 胡粉燥濕乳酥潤燥燥潤兼

濟專主月蝕耳瘡剝裂 蚓泥猪膏清熱解毒 竈土髮灰收濕散血 交道土取其流動竈下土取其溫暖以治爛瘡取其收濕 艾灰傅瘡久不斂 牛屎灰傅久瘡滅癩 竹葉灰和雞子白收濕解毒 髮灰猪脂散血 臭酥胡粉潤燥燥濕 麻子潤燥犬胆殺蟲犬性熱而膽化熱也 枸杞清熱散濕 青枝桃皮搗和醋傅去面上濕癬疥癩 馬尿牛津犬屎灰皆能殺蟲療癬 又取馬尿洗兒赤疵犬屎傅兒身赤黑疵專取穢以攻血漬也針刀抉目疣膿潰根自落勝於傅貼也

小兒雜病第九方 一百一十一首

治小兒臍中生瘡方 桑汁傅乳上使兒飲之○又方 飲殺羊乳及血

治小兒風臍遂作惡瘡歷年不瘥方 取東壁土傅之大佳若汁不止燒蒼耳子粉之○又方 乾蟻螿蟲末粉之不過三四度瘥

治小兒臍不合方 取車轄脂燒灰日一傅之○又方 燒蜂房灰為末傅之

治小兒臍中生瘡方 燒獸帶灰和膏傅之

小兒臍赤腫方 杏仁 半兩 猪頰車髓 二 右二味先研杏仁如脂和髓傅臍中腫上

脂散 治小兒臍汁不止兼赤腫方 以白石脂細研於令微暖以粉臍瘡日三四度

桑汁解風熱 殺羊乳滋血燥 東壁土燥濕 蒼耳灰去風濕斂汗 蟻螿破血乾末粉身

車脂灰通血脈滋燥 蜂房灰攻毒去風 獸帶灰通津收濕 杏仁猪髓解毒滋燥

杜風各詳見證取用

飲乳方 鵝屎瀝兒口中○又方 黍米汁塗之○又方 取小兒父母亂髮淨洗纏

東向向日以髮拭口中白乳以置水中七過洗三朝作之

生瘡重舌鵝口方 柘根剉五升無根弓材亦佳以水五升煮取二升去滓煎取五合

數次良

治口瘡白漫漫方 先以父淨髮拭口次取桑汁塗之

衍義 鵝屎汁截風解毒 黍米汁清胃化熱 髮淨拭口去熱毒 柘根除腎經風熱 桑汁清肺

熱口白則胎毒上迫於肺也

治重舌古強不能收唾方 鹿角末如大豆許安舌下日三四度亦治小兒不能乳○又方 取蛻燒末

以雞毛蘸醇醋點藥掠舌下愈

治小兒重舌方 取田中蜂房燒灰和酒塗喉下愈○又方 衣魚塗舌上○又方 竈月下黃土末苦

酒和塗舌上 赤小豆末醋和塗舌上○又方 黃柏以竹瀝漬取細細點舌上良

治舌方 灸行間隨年壯穴在足大趾歧中又灸兩足外踝上三壯

治小兒舌上瘡方 蜂房燒灰屋間塵各等分和勻傅之○又方 桑白汁塗乳與兒飲之○又方 羊

蹄骨中生髓和胡粉傅

治舌腫強滿方 滿口含糖醋良○又方 飲殺羊乳即瘥

衍義 鹿角治惡血散熱腫 蛇蛻截風毒 蜂房 驚痰 衣魚散風癩 竈土斂虛陽 赤小豆

解熱毒 竹瀝漬黃柏解胎熱去痰涎 蜂房桑汁並解熱毒 羊蹄髓和胡粉鎮攝肺胃風熱 糖

醋斂肝脾之火 殺羊乳潤燥舒筋辟一切不正之氣

治小兒口瘡不得吮乳方 大青_{針八} 黃連_{針二} 右二味咬咀以水三升煮取一升二合一服一合日

再夜一○又方 蜜二斤 甘草_{如指大} 臘月豬脂一斤 右三味合煎相得含如棗大稍稍咽之日三

又方 礬石如雞子大置醋中塗免足下二七遍愈

治小兒鵝口兩吻生瘡方 燒髮灰和豬脂傅之

治小兒口下黃肌瘡方 取殺羊鬣燒灰和臘月豬脂傅之角亦可用

治口傍惡瘡方 亂髮灰 故絮灰 黃連 乾薑 右四味等分為散以粉瘡上不過三遍

治口噤赤者心噤白者肺噤方 雞屎白棗大綿裹以水一合煮二沸分再服

治小兒口噤方 鹿角粉 大豆末 右二味等分和乳塗乳上飲兒

治小兒口中涎出方 驢乳 猪乳各二 右二味合煎得一升五合服如杏仁許三四服瘥

雀屎圓 治小兒卒中風口噤不下一物方 雀屎如麻子丸之飲下即愈雞屎白亦佳○又方 以白

羊屎內口中○又方 以東行牛口中沫塗口中及頤上○又方 桑白汁塗之瘥

衍義 大青黃連治肝脾實火 甘蜜猪脂散脾胃虛火 醋礬雞清收斂濕氣 髮灰解毒散惡血

殺羊鬚散血收濕 髮絮灰薑連末散血導火 雞矢白下氣祛風 鹿角豆末散血解毒 驢猪

乳潤燥化風熱 雀矢辟風毒開噤 羊矢去火毒化風熱 牛涎解脾胃溫熱又桑白汁解脾胃

風熱分主手足太陰風燥

治小兒卒毒腫著喉頸壯熱妨乳方 升麻 射干 大黃各一 右三味咬咀以水一升五合煮取八

合一歲兒分三服以滓薄腫上冷更暖以薄大兒以意加之

升麻湯 治小兒喉痛若毒氣盛便咽塞并治大人咽喉不利方 升麻 生薑 射干 橘皮 兩

右四味咬咀以水六升煮取二升去滓分三服

治小兒喉痺腫方 魚膽二七枚以和竈底土塗之瘥

治小兒喉痺方 桂心 杏仁 右二味為末以綿裹如棗大含咽汁

衍義 升麻上引大黃下泄射干專散咽喉結氣取其先升後降也 升麻引射干上行散結薑橘開

提痰氣 鯖魚胆苦寒專散肝胆之火竈土專化脾胃之熱 桂心導龍火杏仁下結氣從治之法也

治小兒解顛方 熬蛇脫皮為末和猪頰車中髓傅頂日三四度○又方 猪牙頰車髓傅顛上瘥

半夏尉湯 治小兒腦長解顛不合羸瘦色黃至四五歲不能行方 半夏 生薑 芎藭 各一 細辛 兩

桂心 尺鳥頭 右六味咬咀以醇苦酒五升漬之晬時煮三沸絞去滓以綿一片浸藥中適寒溫以

原應上冷更溫之續服如前就著各三四服乃止二十日可愈

治小兒解顛生蟹足傳方 生蟹足 白薇略半 右二味搗末以乳汁和傅顛上立愈

治小兒解顛細辛傳方 細辛 桂心略半 乾薑略半 右三味為末以乳汁和傅顛上乾復傅之免面

赤即愈

治小兒顛開不合方 防風一 柏子仁 白芨各一兩半 右三味為末以乳和傅顛上日一十日知二十日

即愈○又方 取猪牙頰車骨煎取髓傅顛上愈

行義 蛇蛻和猪頰車中髓傅頂開發風氣於上取髓以通其腦 單用猪頰車髓亦得 腦長不合

明後風寒痰氣襲入故用薑半開發辛散風桂心烏頭辟除腦戶中邪氣 生蟹足散血續筋白薇

散結解毒 細辛薑桂能開發腦戶風寒而不致於腦長知無痰濕故不用半夏其風寒之邪本淺故

不用芎藭骨力猶能任身故不用烏頭風入系頭既久故不用生薑而用乾薑佐桂心以溫腦戶即前

半夏對湯之變法 防風治惡風風邪柏子仁除風濕潤燥用白芨祛賊風痲緩總皆療腦風藥 一

用猪牙中髓通腦氣於上以無風毒故無取於蛇蛻

小兒顛陷方 灸臍上下各半寸及鳩尾骨端又足太陰各一壯

治小兒狐疝傷損生癩方 桂心射 白木一兩 地膚子二兩 右三味為末以蜜丸和白酒服如小

豆七丸日三亦治大人○又方 芍藥 茯苓各射 防葵一 防風一作 大黃略半 半夏 桂心 川椒各六

右七味為末蜜和服如大豆一九日五服可加至三九

五等丸 治小兒陰偏大又卵核堅癩方 黃柏 香豉 牡丹 防風 桂心略二 右五味為末蜜

丸如大豆兒三歲飲服五九加至十九兒小以意酌量著乳頭上服之

治小兒卵腫方 取雞翅六莖燒灰服之隨卵左右取古今錄驗云

治小兒氣癩方 木瓜根 芍藥 富歸略一 右三味咬咀以水二升煮取一升服五合日二○又方

治小兒氣癩方 木瓜根 芍藥 富歸略一 右三味咬咀以水二升煮取一升服五合日二○又方

三月上除日取白頭翁根搗碎隨偏處傳之一宿作瘡二十日愈

治氣癩方 灸足厥陰大敦左灸右灸左各一壯

治小兒陰瘡方 以人屎灰傳之又狗屎灰狗骨灰又馬骨灰皆可傳之

治小兒歧股間連陰囊生瘡汁出先瘳後痛十日五日自瘳或一月或半月復發連年不瘳方 灸瘡搗去痴帛拭令乾以蜜傅更搜麩作燒餅熟即以錫塗餅上熨之冷即止再度瘳

治小兒陰腫方 狐莖灸搗末酒服之○又方 灸大敦七壯○又方 斫桑木白汁塗之○又方 搗無著薄上○又方 搗垣衣傳之○又方 以衣中白魚傳之○又方 猪屎五升水煮沸布裏安腫上

衍義 狐疝雖寒熱不同一皆屬於肝經故首推桂心通肝散經白木安脾逐濕皮膚專利小便以泄濕熱也 又方芍藥茯苓疎肝家濕熱防葵大黃泄疝瘕結熱半夏一味專理痰濕桂心川椒開肝脾

之嚮導 五等丸專主濕熱偏墜黃柏清熱燥濕防鼓散下焦風牡丹和下焦血桂心為熱因熱用之

凝滯之疝 雞屬巽走肝六腑又為風之所發專主風龍肝經之疝 土水根散血歸芍和血專主瘀血

乘熱以錫塗熨取以助肝氣也 狐莖常縮入腹達肝最捷同氣相感之妙用也 桑汁塗風熱無著薄熱腫 垣衣傳熱毒 衣魚散風腫 猪矢解蘊蒸之熱也

治小兒陰瘡方 取狼牙濃煎汁洗之○又方 黃連胡粉等分以香脂油和傳之

治小兒核腫壯熱有實方 青木香 甘草 石膏 甘遂各八銖麝香三錢大黃 前胡各一兩黃芩半兩 右

八味咬咀以水七升煮取一升九合每服三合日四夜二

驚頭圓 治小兒積冷灸不瘳後餘脫肛不瘳腹中冷肛中疼痛不得入者方 驚頭二枚炙 磁石兩柱

花三小蠋皮一枚炙 右四味為末蜜丸如大豆兒二歲至五歲服五丸至十九日三兒大以意加之

衍義 狼牙殺蟲止痛 黃連胡粉解熱收濕 青木香前胡下結氣甘草石膏化結熱大黃黃芩甘

小兒脫肛方 灸頂上旋毛中三壯即入又灸尾翠骨三壯又灸臍中隨年壯

治小兒疳濕瘡方 鐵衣著下部中即愈○又方 灸第十五椎俠脊兩傍七壯未瘥加七壯

治小兒疳瘡方 以猪脂和胡粉傅之○又方 嚼麻子傅之日六七度○又方 羊膽二枚和醬汁於下部濯之猪脂亦佳

下部濯之猪脂亦佳

治濕瘡方 濃煎地榆汁洗浴每日二度

治小兒久痢膿濕方 艾葉五升以水一斗煮取一升半分為三服

除熱結腸圓 斷小兒熱下黃赤汁沫及魚腦雜血肛中瘡爛坐蠶生蟲方 川連 柏皮 苦參 鬼

白獨活 橘皮 芍藥 阿膠略半 右八味為末以藍汁及蜜丸如小豆日服五丸至十丸冬無藍汁

可用監子一合春蜜和丸

行義 疳瘡內蘊濕熱外顯血燥故用鐵衣以降濕火 胡粉猪脂兼濟收濕潤燥之治 麻子專取

潤燥羊膽專取化熱 地榆散血止痛 艾葉溫血化蟲 結腸丸專泄濕熱僅用鬼白以殺毒邪獨

活以散風熱

治小兒蛇蟲方 削棟木上蒼皮以水煮取汁飲之量大小多少為此有小毒

治小兒羸瘦有蛇蟲方 藿蘆三兩以水一升米二合煮取米熟去滓與服○又方 篇蓄三兩水一升

煮取四合分服之搗汁服亦佳○又方 桃白皮三兩東引吳茱萸根白皮兩 右二味咬咀以酒一升

二合漬之一宿漸與服取瘥○又方 取猪膏服之云治○又方 搗槐子內下部中瘥云治○

又方 根實一枚內孔中云治

治寸白蟲方 東行石榴根皮一把水二升煮取三合分服○又方 桃葉搗絞取汁服之

治小兒三蟲方 雷丸 芎藭 右二味各等分為末服一錢七日三

治大便竟出血方 鼈頭一枚炙令黃黑為末以飲下五分七多少量兒大小日三服

衍義 椶皮苦寒治濕化蟲 藿蘆涼潤解毒清熱 篇蓄利水治浸淫濕熱 桃皮殺蟲黃根除濕

猪脂專引肛門蛻蟲 槐子專清大腸濕熱 椶實苦寒與椶皮同功 榴皮祛濕 桃葉化蟲

雷丸殺蟲芍藥和血 鼈頭收肛專散肝經濕熱

治小兒尿血方 燒鵲巢灰并花水服之亦治夜尿牀○又方 灸第七椎兩傍各五寸隨年壯

衍義 小兒尿血多緣肝受風熱不能藏血故取久受風氣之鵲巢燒服以散肝風風散則血自寧矣

治小兒遺尿方 瞿麥 石韋 龍胆 皂莢 桂心 酪半雞腸草 人參酪一車前子一兩 右八味

為末蜜丸每食後服如小豆大五九日三加至六七九○又方 小豆葉搗汁服○又方 燒雞腸為

末漿水服方寸匕日三○又方 灸臍下一寸半隨年壯○又方 灸大敦三壯亦治尿血

衍義 小兒遺尿多屬肝氣之熱故用瞿麥石韋龍膽雞腸草前一派清熱利水之藥兼桂心以司開

闔之權人參以助清熱之力皂莢以振滌垢之威不使闔闢有所阻積而失權度 小豆葉清熱 雞

腸末利水皆疎利九竅之品

地膏子湯 治小兒熱毒入膀胱中忽患小便不通欲小便則澀痛不出出少如血須臾復出方 地膚

子 瞿麥 知母 黃芩 枳實 升麻 葵子 猪苓 酪六通草 海藻 橘皮 酪三 大黃 酪八

右十二味咬咀以水三升煮取一升一日至七日兒服一合為三服八日至十五日兒一合半為三服

十六日至二十日兒二合為三服四十日兒以此為準五十日已上七歲已下以意加藥益水

治小兒淋方 車前子一升水二升煮取一升分服○又方 煮冬葵子汁服之○又方 取蜂房亂髮

燒灰以水服一錢七日再

治小兒小便不通方 車前草升 小麥升 右二味以水二升煮取一升二合去滓煮粥服日三四○

又方 冬葵子一升以水二升煮取一升分服入滑石末六銖

衍義 小兒疳積完固熱毒流入膀胱自當專力苦寒以利開竅獨用升麻升舉上氣海藻疎達下源使熱泄水利無復難阻之慮矣 車前利水而不傷津 冬葵子利竅而兼活血 蜂房髮皮善散勝脫瘀血 卷耳利水同小麥益肝煮粥以養胃氣并杜虛熱之復擾 冬葵利竅活血入滑石尤捷與車前小麥隱然有虛實之分

治小兒癩方 蜥蜴一枚燒末酒服之

衍義 癩是濕熱阻積滲入經隧之患 蜥蜴能吐電析雨為利水破結之峻藥外臺于金恆用之

治小兒吐血方 燒蛇皮為末以乳服之并治重舌 又方 取油三分酒一分和之分再服

衍義 小兒吐血有毒熱無虛寒故宜去風解毒為務 蛇燒灰不特截風兼能止血血本肝臟所藏也 其用香油解毒必兼醱酒和血總無藉於培養血氣

治小兒鼻塞生息肉方 通草 細辛 略一 右二味搗末取藥如豆著纏頭內鼻中日三

治小兒鼻塞不通濁涕出方 杏仁 附子 細辛 略六 右四味咬咀以醋五合漬藥一宿明

日以猪脂五合煎令附子色黃膏成去滓冷更以塗絮導鼻孔中日再兼摩頂

衍義 通草利竅散濕細辛利竅散風風散濕去則經脈條暢何有空塞息肉之患乎 杏仁下氣蜀

椒溫中附子逐濕細辛去風皆利竅之品其用醋者藉以引領諸藥入於肝經且遏椒附之性緩行不

驟也

治小兒疳疔方 末石硫黃以粉耳中日一夜一

治小兒耳瘡方 燒馬骨灰傅之 又方 燒雞屎白筒中吹入

衍義 硫黃溫散專治陰中蘊積之垢 馬骨灰祛風散熱 雞屎白下氣散濕審其因而用之

治小兒齒落久不生方 取雄鼠屎二七枚以一尿拭一齒根處盡此止二十一日即生

衍義 齒屬腎而鼠矢專資天一生水之源或用砭針出血以鼠骨灰擦指尤効

治小兒四五歲不語方 末赤小豆酒和傅古上○又方 灸足兩踝各三壯

行義 赤小豆上通心包下達小腸乃清熱利竅之品得酒和傅古下滲入廉泉則心胞清淨而聰自發於靈台慧自達於喉舌矣

治小兒不能乳方 雀屎四枚為末著乳頭飲兒大十枚

行義 雀矢專滌胃中痰涎垢膩垢清而乳食自如慎勿疑於乳癖而妄行攻擊也

蒲黃湯

治小兒落牀墮地如有瘀血腹中陰陰寒熱不肯乳哺但啼哭叫喚方 蒲黃 麥冬 大黃 黃芩各十銖 甘草八銖 芒硝六銖 黃連三銖 右七味咬咀以水二升煮取一升去滓內芒硝分三服消息視

兒羸瘦半之大小便血即愈忌冷食

行義 乳哺啼叫明係火氣用事腹中陰陰定屬血滯有形故需蒲黃芒硝以散瘀積芩連大黃以瀉

胎熱門冬甘草以滋胃中津氣非審證之確何能至此

治小兒食不知飢飽方 鼠屎二七枚燒為末服之

行義 鼠屎燒灰以清理先天之虛氣

治小兒食 取肉一斤繩繫墮地行數里勿洗火炙與食

行義 取血肉之物沾行動之土炙而食之以攻中土蟲積投其所喜以誘入蟲口也

治小兒噦方 生薑汁 牛乳酪五 右二味煎取五合分二服○又方 取牛乳一升煎取五合分五

服 噦屬胃氣虛寒牛乳滋胃中血氣薑汁散胃中虛冷 亦有養稟多火火逆上衝而噦但取牛乳

潤燥不得復用薑汁

治小兒痒方 竈中灰鹽等分相和熬熨之

行義 反鹽溫熨經脈漸通

治小兒喉吞針方 取磁石如棗核大或吞或含其針立出

治小兒慢吞鐵物等方 艾蒿一把剉以水五升煮取一升服之即下

衍義 磁石引針如母子含則取其上引吞可使隨下脫 艾蒿下鐵取其純陽以運重著何憚不
下趨耶

治小兒蠅螬咬透腹匝即死方 搗蕨黎葉傅之無葉子亦可○又方 取鷲巢中土猪脂和傅之乾則

易之

衍義 蠅螬巢陰濕毒故其洩著人皮膚即時腐爛于金取白蕨黎葉傅之以其能散惡血也 胡鷲
巢中土猪脂和傅以其能收濕解毒也近世以鐵銹水塗蠅螬瘡取其能墜熱開結平肝消腫也 張
介賓曰千金小兒諸證無所不備獨不及痘疹之方者以痘疹起於南粵斯時秦中尚無此患耳

孫真人備急千金要方卷五終

千金要方

卷五

乾真入韻

五十五

下

下

下

下

下

下

下

下

下

下

下

下

下

下

下

下

介音曰千金小...

鼻中土甜甜...


甜對鼻甜...

甜對鼻甜...

甜對鼻甜...

甜對鼻甜...

甜對鼻甜...



5957c

1915

W. no. 4-5